

兩浙輶軒續錄

兩浙輜軒續錄卷二十三目

胡敬 蘇繹 吳存楷 蔣詩 諸嘉樂

錢人杰 陳鵠墀 朱爲弼 章槐 吳上知

范澍 汪繼培 王安瀾 周銘鼎 姜安

王振綱 周鳳章 江青 陸應宿 俞士槐

馬振裕 陳世榮 湯禮祥 徐鉞 孫顯元

張樾 徐本義 何廉 徐光綺 許鎔

祝琳 許田 查世官 金綸 金璋

蔣浩 方洄 朱蓮燭 高亮采 朱恆

顧修 吳傳經 朱爲霖 張醇 邵保和

倪耀雲 吳全昌 周行恕 戚宗衡 徐晷

王日章 馮應翹 朱滄鼈 謝佑琦 湯聘尹

朱山 斯璿 周熙 周豫 王望霖

韓修紘 張應彪 曹寅 曹位 汪上彩

陳渠英 吳學亮

兩浙輶軒續錄卷二十三

督學使者潘衍桐訂

胡

敬

字以莊號書農仁和人嘉慶乙丑會元官翰林院侍講學士著崇雅堂集

阮

元

傳略學士性耿介嫉惡崖岸嚴峻

散館

授編修時

武

英

殿文穎館纂修全唐文治河方略明

鑑總纂所輯皆

精

審

唐文穎館纂修全唐文治河方略明

表凡數千言典

睿廟

耳其名每有制敕碑版文字輒傳

懋

勤

殿編纂秘殿珠林石渠寶笈三編時溥署內監捧卷

軸

倉卒展視則衣冠端立執筆錄其文記載尺寸印章

日至百十卷累擢至侍講學士督學安徽旋乞養歸著

有

崇雅堂詩

文集二十卷

英和序

略書農學士文則兼六朝李唐之美詩

則顏謝杜蘇之流學深思精得助于山水者

子

理年譜略阮太傅視學兩浙府君以水

仙花賦闌干賦見賞謂為得六朝人神髓

錢武肅王鐵幢歌

時平鷺埃閒江戍繡鏃沈沙犀不注行人指點鐵幢蹤云是

錢王射潮處潮西來東青城門晝不開潮東去越山浪花禁  
得住潮來潮去羅刹江錢王射潮還建幢幢成潮迴地東展  
十萬民居距潮遠蛟龍畏鐵制出奇峴木子子高與齊以開  
南渡行都基嗚呼駐軍江沙潮不至歎爾鐵幢還債事

精忠柏歌用少陵古柏行韻

鄂王當年手種柏森列柏臺嘉肺石縱橫戰壘息風雲憔悴  
圓扉峙尋尺長城萬里國自壞遺植千秋人尚惜刺膚春雨  
痕帶青持服秋霜色含白憶展王墓棲霞東松楸一徑連寢  
宮佞臣鐵鑄軀猶在老檜屍分心久空蕭條生意盡除夕偃  
蹇枯枝排朔風正如秦嶽堅難撼豈有將軍倚較功閣建光  
堯媿松棟秦頭壓日嗟何重抵死金牌驛驛催偷安銀絹年  
年送荆榛邾免師召雁槐棘徒誇山占鳳獨留寸榦到

熙朝看洗甲兵長不用

漢曲成侯蟲達玉印

漢高七年歲辛丑續封功臣達居首名齊一十八通侯累百封真濫高后想提一旅起芑礪官執金吾效奔走後來入漢定三秦垓下論功侯印受我聞漢制列侯印鑄以黃金龜作鈕此胡渾樸絕雕鏤方寸形渾如覆斗印分官私用有別私者惟鏤姓名某篆文稍變氣體蒼馬伏波休同異剖風雲遭際蟲亦達侯半吹簫與屠狗再傳已罰充鬼薪有失周家意忠厚流觀班史惜太簡不及雲臺傳全有他時銘紀泗水亭取舍中還區可否而侯未與涓等斥位次蕭曹同不朽士衡追頌偶失遺記載無存經歲久遙遙數合唐學士蘇勣何嫌名殿後卽今侯裔更無傳曲逆子孫宜代守

印爲陳雲伯所藏

飛來峯訪清涼居士翠微亭題名

兵權旣解臣歸農以清涼號易國公蹇驢閒行憩靈鷲洞猿  
黑白吟悲風作亭磨厓命男直江上塵埋故人筆舊基感岳  
無復留隱以新亭悲晉室將軍善戰復善書書仿玉局清而  
映臨風胡不自揮翰可憐十指創留餘直能擘窠書大字六  
歲殿前親拜賜一家昆季總能文墨妙流傳哲居次而翁湖  
隱邀君恩冷泉洗盡刀箭痕棲霞嶺上一回首慘澹父子曠  
冤魂紹興春回十二載和議時成朝局改故人之死已七旬  
半壁空留翠微在

靈隱借秋閣明慈聖李太后賜畫九蓮菩薩像

貝多函經香百和像設靈山蓮作座儼然彩輦降生時導以  
旌幢佛來賀懷中墮日樞繞虹都人正位長秋宮以嚴護帝

慈奉佛一時名刹紛鳩工像資佛力留長在滿月光曾照寰  
海內外當時憂患多持世居然四十載九蓮菩薩有責言宮  
闈事在疑信閒蓮臺難攀杏殤早薄待外戚應慚顏過去身  
中笑多事南北祇林隨位置編副垂珈被翟衣慈容記覲長  
椿寺

宋思陵賜岳鄂王奪情手札

古今通禮三年喪咨卿幹蠱毋守常以忠盡孝正今日墨纒  
權起從戎行紹興六年帝書賜署某月日詞周詳是時朝號  
小元祐同參樞密趙與張分屯諸將約略數盱眙惟俊虔爲  
綱其他廬州及楚泗效力更有韓劉楊京湖起王作宣撫上  
游倚重同金湯遣兵旋見敗劉豫唾手且飲黃龍觴奈何降  
詔未改歲已召檜入中書堂兵機乘勝可進取屢請不報王



封章鄺瓊之敗帝膽裂聽歸持服廬山旁嗚呼帝云帥師臣奉詔奉詔練卒屯襄陽帝云班師臣奉詔奉詔振旅還潁昌廟謨前後自翻覆臣於帝札遵無忘今看獎勵札中語帝非不鑒王忠良要知恢復中帝忌幹蠱語不由衷賜當年聊應魏公請豈真有意窺汴梁不然盡力斥浮議百檜何足關興亾忍將鄭重奪情筆更草詔撤諸邊防敗盟莫咎敵多詐朝廷爽約先君王留傳此札亦安貴徒以王故爭收藏雙鉤已復勒貞石矧此遺墨蛟龍翔傳觀我惜未一見見亦祇令心增傷鄂王祠前冬日冷琤琤響揚聞空廊

書莊芝階家藏宋槧寶祐四年題名錄後

趙家南渡至寶祐播越有甚書梁洋流傳四年科目錄忠誼首冠文天祥兼收謝陸若鼎峙要挽落日升扶桑君從何處

得此刻數紙氣壓干文場酒酣邀我作長句往事欲說徒心  
傷卻思知人貴論世科目先後宜評量宋因前代設貢舉期  
改三歲餘仍唐有唐開基歲取士進士獨重由文皇其閒勳  
臣及賢宰經濟外復工文章唐登科記樂史作包括李奕該  
姚康端臨載此恨太略姓氏忍使歸淪凶幸哉制舉有圖在  
冊府御覽詞昭彰浚儀同科入十六證以史傳無參商偶餘  
疏漏待補緝建斗未免遺星芒較唐諸科已大備豈非紀載  
言須詳諸科儻亦比制舉挽三百載名俱揚當時樂記傳者  
眾棄不甚惜因尋常及今海內無是記一一徵引同琳瑯編  
摩憶昔濫詞館求索不獲銘衷腸歸來羣籍恣參考唐文千  
卷資津梁旁稽百家半失實道在舍短從其長補編何止言  
十萬垂老抱向名山藏所嗟人事多錯迕此願果否能終償

不如君今寶數紙行閒字裏含風霜嗚呼得夔一已足聚三天與扶臣綱後來三人共大事孫胡功佐姚江王以之比擬數適合雖異成敗皆賢良信乎科目以人重韓范有福遭時昌得文山與朱紫陽劫數縱莫逃紅羊金蘭留簿今猶香理學忠義高頡頏配昌黎伯睢陽張名共日月爭輝光

題黎烈愍公

美周

黃牡丹詩卷

十首詩成許占先隱園吟社啟當年樓臺一色開金碧袍玉三春醉管絃能與姚黃添故事本來李白是神仙郊寒島瘦羅公隱名止田園噪月泉

清平詞筆廣平腸中有葵心向太陽將被逮猶書草聖早馳名爲譜花王繁華夢覺游仙枕翰墨緣空選佛場才調同時出鸚鵡嶺雲哀怨抱琴亾

西域喀什河經石 并引

石色微黝高六寸廣一尺厚寸五分形畧如梭一面刻番字佛經徐星伯從塞外攜歸凡七枚云得諸喀什河以一贈陳扶雅喀什河屬漢烏孫地疑爲漢刻無顯證攷俟簡栖

篆文大小難涉筆況乃烏孫經寫佛縮本疑摹岫巖文不然斷爛岐陽碣徐君載此入玉門斑駁石帶風沙痕左行右行了莫辨迷者眞我但手捫用蘇詩烏孫在漢通中夏嫫復知書從主嫁得毋星隕夜明時佛出天驚星所化語言文字佛埽除石刻鋪敘尤其餘我自十年身面壁嬾無豪興答番書

前詩旣成扶雅以考證見示云是唐古忒所書綽霍勒贊旦經彼中累石爲主以祀神謂之鄂博因刻經石

上其說得諸喇嘛據此當爲元刻矣按元代西域悉隸版圖所設官領以國師號令至與詔敕並重皇慶中命國師繙譯諸梵經典凡諸番朝貢表箋文字無能識者皆令譯進豈此石亦出當時國師所譯耶復

次前韻以誌存疑

剝膚作紙骨爲筆髓書經乃成佛留傳六十四種多西陽雜俎

西域書六十四種科斗胡書舊存碣字母傳自婆羅門體亦絕肖屋

漏痕石能點頭爲說法廣長舌在無由捫自從髡儀薰華夏

元帝稱師主甘嫁製成問道字千餘紐合字隨聲變化元史世祖

命國師帕克斯巴製蒙古新字千餘其母凡四十一相關係

二合三合四合咸字大要以諧聲爲主字成加號大寶法王又泰定時以帝師兄索諾布藏布尙公主晉唐舊譯遭剷除新譯所刻猶留餘試

間膽巴瓶佛種可眞大寶法王書

聞陳扶雅注晉書詩以訊之

作史才信難注史名敢荷注須證所作朗苦券操左由來注  
史例兼兩庶乎可其一精訓詁名物覈纖瑣其一務補綴疎  
糝合揚簸況當典午朝政治歎叢脞倥偬百餘年江特一鍊  
鎖割據華爲戎慘矣清談禍史編十有八欲數日先哆君於  
諸家外所取義則那叢殘載御覽餘盡燬兵火水經及蕭選  
注亦存頗頗惟時通書素僅許述疾軻果否碑刻傳淚止峴  
山墮文奇有頭責外此遺尙夥語俚到爾馨訓以何者妥衷  
然卷百三蠹簡撥塵埋慎無矜善本勘校但細麼我如張季  
鷹蕤味戀歸舸雖曾濫史職簪筆殿辭朵思成一家言樂置  
習媮惰徒能事滑稽遊戲言炙輶讓君才傑出志大行必果  
音義覽何超不值一笑嗟諸家恣漁獵身被亂書裹榮緒經

嬾拜鑿齒足從跛照無燭兩行藤榻夜枯坐得好亭子名試  
先持示我

有唐富述作漫以詞章輕試觀唐始基羣疏先頒行薈萃百  
家言宗旨歸康成是非孔賈輩漢學何由明載觀唐中葉傳  
道儒得名奮力排異端義蘊開朱程不有昌黎公宋學何由  
萌匪惟經術邃史亦垂家聲卓哉班范製古茂疇抗衡師古  
與章懷纂述功專精參稽會眾說斷制昭定評遠與雅訓合  
近可選注并其餘雖瑣瑣所箸猶錚錚劉幾有史通持論公  
而平李肇有史補敘事明且清晉書奉詔脩房褚羅羣英清  
狂語備載箸國所自傾流傳及後代文體交彈抨謂滋浮薄  
弊致兆釋老爭豈知關運會篡奪從此興倘教概刪削治忽  
將安徵風詩十五國正變辭兼登魯史三百年善惡例並稱

況文有駢散體昉東西京宋賢昧斯義唐詔擅改更猥瑣等  
晉書事采小說增我爲范滂甫君作干令升相看兩白髮此  
願徒硜硜

### 洪武船符

慎軍國事傳明初鎮撫封遞例給符製自內府領準額到驛  
展驗誰能誣織成中具船馬狀以馬起馬雙單殊惟船編字  
水與信大川齋涉皆通涂亦猶澤國用龍節法三代意摹爲  
圖詔文紀年後加璽四角燦爛花盤紆例非大僚槩勿給鄭  
重想見高皇謨是年始令隸節制王氣已隱鍾燕都兵興渡  
江不用楫宣召可有金符無然其立法自詳審倡亂遠先防  
驛夫後來趨便易勘合此符棄竟同關繻祖宗良法翫不守  
中使四出周防疎無何瀕海置市舶倭寇擾遂連三吳樓船



峩峩指呂宋礦采萬里撓師徒爾時徵調徧天下符縱復造  
難供需乃知經國首除弊方幅懔此尺一書祇愁歲久弊還  
作盜取翻笑侯生迂摩抄黃麻三歎息有人智出符之餘

春日汪小米招集水北樓分韻

從此園林可借居安排詩几掃花除時當暖漲魚肥候人似  
雕梁燕到初東道主休勤筦鑰西湖長欲混樵漁祇愁來下  
陳蕃榻貪看雲山懶箸書

題洪昉思填詞圖

一闕詞成百嚙喉畫中人太擅風流但教聲律嫺紅袖那管  
功名誤白頭秋雨梧桐談往恨曉風楊柳譜新愁年來我亦  
思陶寫安得期君共讌游

戊午歲暮懷人

已少陰鏗與並時吾鄉風雅仗公持千番逸少神來筆一卷  
襄陽清絕詩諛墓無金言足信翹材有館聘終辭舉孝廉方正辭不就

懸知宿草多離恨怕過山公舊酒池何春渚丈琪

真堪彌勒與同龕禪向維摩病後參先生終身不娶高節欲追林處

士前生應是古瞿曇名山事業篇中定耆宿風流酒畔談想

得梅花滿孤嶼幾回春向碧湖探余松屏丈大觀

四明湖畔好家居定遠枝分此結廬河豕謬刊先鄭志重校先世

經學家雞神似大王書尊人九沙公善八分先生盡傳其筆妙鬢痕還白游仙

後鐙影搖青說鬼餘先生喜談鬼兼善導引術苦惱海深蓬島遠願隨公

夢到華胥萬玉蒼丈福

鐵甕城邊挂客帆金焦遙峙兩巖巉生涯老寄紅絲硯旅舍

塵凝白紵衫久客揚州江氏雄辯語常驚四座疾書才足了千函一

椽終戀家山好歸采黃精荷藥鑿應叔雅 丈禮

竟負安車束帛微寄懷巖壑憶孫登荒村蕘酒治聾好清簞

圍棋賭墅能疾而工棋 先生患耳老去壯心空伏櫪生來傲骨肯模稜

莫嫌憔悴青羶傲自有千秋業足稱孫端飲 丈法登

論交松柏比堅貞鄰笛山陽感舊情肯向泉臺孤宿諾先語 子

留時以詩屬 先生訂定暇從淮海訂詩盟主持壇坫推前輩宏獎風流

到後生十載韓門比侯喜愧無豪句敵彌明項秋子 丈壚

卅載才名動玉堂萊衣歸祝老親康箸書自戀三餘好投刺

難隨七貴忙駢體江陵推庾信新詞天水數堯章消魂從古

維揚地寫抱應空酒百觴先生告假養親主講廣 吳穀人丈錫麒

谷口名傳鄭子真結廬窮巷舊比鄰青山愛寫蕭閒境白眼

慵看襜褕身騎省感秋悲隕涕庚子巖先生方喪偶先 瀟陵 君子招飲醉輒長號

逢尉醉生嗔嘗夜醉歸為邏者所窘先君子有詩紀事他年高士重修傳欣賞風

流定幾人奚嫩生丈岡

力求詩格造深嚴石鼎寒宵韻共拈先生舊作嘗屬先君子訂定壯歲功

名悲李廌弱齡詞賦擅江淹更番應辟才華盛辛苦讐書目

疾添歸臥林泉今兩載藥鑪茶竈靜垂簾俞秋府丈理

兩世忘年續舊交仙扉花下許頻敲先生樓真吳山元妙觀足經跨鶴

驂鸞跛舊病風跛一足書就門攤市肆鈔書肆有褚伯秀南華義海先生就鈔凡百六卷山

滿房留雲作伴露零秋苦燕辭巢所居雲墟山房殿於火著述蕩然灰燼元符

箸就天追取悔竊參同契內父黃含山丈鶴

錦瑟華年入夢思五羊城遠客歸遲先生去歲有悼亡之感江邊雙槩

迎桃葉嶺外干篇寫竹枝自嶺南買娛老關情顏有玉衛生

多術鬢無絲清談雅步風流甚擬想科頭捉麈時施羅陽丈折

頻年游迹等鴻泥贏得新詩到處題秋色嶺雲紅樹滿客懷

楊柳白門低吉金貞石按山左囊簡殘編表浙西阮宗伯屬

石錄兩浙轄軒錄二書憑仗硯田栽德好九原人盡感恩嘒朱明齋

賦閒居恐二毛斑遠道梅花庾嶺攀彭蠡秋聲帆背雨太行

春色馬頭山丙辰自嶺南赴吳菘圃方伯幕柳枝堂後歌容聽方伯以家書

帶門前草不刪今日華亭成小別繞溪流水聽潺潺孫青膝

壯歲難消塊壘胸歌成斫地氣何雄外舅有斫地歌凡千餘言孤懷老去

禪心定流俗看來世慮空感舊難忘東郭雨謂嚴古緣遺愁

高臥北窗風養生理悟嵇中散不藉丹砂體自充施澹珍

皇華行惜太恩恩暫暇歸營馬鬣封別去路迎紅荔熟寄來

書帶綠蕉濃危探虎口家千里臺逆滋事時舅氏寄夢繞羊

腸路萬重慎莫看雲苦思弟咸陽容易靖邊烽丁芸圃

廿年交契託苔岑友更兼師誼最深荆楚歲時宗懷記君與黃書

屋吳穀人諸文池塘春草惠連吟刊有哭弟詩三十首樣翻貧女窗前

錦聲咽中郎爨下琴畢竟憑誰能說項年來我亦感浮沈頂

峰朝

故紙蠅鑽肯憚勞一枝不律夜深操賦傳雌霓音先正書校

甄鸞價定高君通小學兼留意推步算數君自文場能拔幟我於經訓厭

吹毛是非千古終難定守一家言轉足豪王木齋述曾

一水斜通白板扉頻來我認鈞魚磯池塘積雨浮萍合桑柘

經霜亂葉飛燕幕先春巢早定鶴糧支歲骨難肥此身最易

儒冠誤謀到傭書事總非陶村

曾把金篦刮目看高軒暇肯過袁安圖中駿羨公能索今秋主試

山都下琴憐我倦彈鴻鵠天高飛自易蓬萊風引到終難平

生一掬知音淚灑向詩篇總不乾

戴金溪  
敦元

黃槐影裏建詞壇吟伴偕過喜識韓慕絕紛華從古少學窮

元本到公難世人健羨惟科第吾黨真知在歲寒料得承明

多暇日祕書還就閣中看

龔閣齋  
麗正

頻年席帽困諸生歷落柴車萬里行巫峽巴江搖遠夢沙蟲

哀鶴寄孤城

君客粵西值苗匪時  
張困圍城中者數日

迢遙歸路迎秋色激越新

詩帶羽聲便合閉門披舊策閒鷗重訂昔時盟

馮放  
山鉅

舊游裙屐兩翩翩寫抱吟邊更酒邊東郭雨中黃葉寺西冷

花外碧湖天如沙易散悲塵世比月難圓憶昔年今日高堂

空望遠墓廬何處白雲連

吳聽山  
文聰

貧守青氈臥故邱生涯拙少稻梁謀自多頌酒判花樂不解

撐門控戶愁人笑鬢鬚成老大

君年未三十而  
留鬚已數年

我看哺啜亦

風流熙春橋畔沙隄路蠟屐何時續舊游蔡莘翁任

仿漁洋山人題唐宋金元詩絕句錄三

漁具詩成擅別才叢書有客為編排訂謬儻徧松陵集乞取

丹黃手校來纂唐文時扶雅以海昌吳兔牀先生所校之笠澤叢書見寄與館本多不同因即據以訂正

詩老金源存有幾遺山而外此堪傳

賜書似警微臣拙回首西清淚泣然嘉慶丙子春蒙恩賜書中有王叔拙軒集

幾曾煙火食人閒書畫詩成一味閒他日更刊清閣集好從

寫本訂增刪內府藏有倪瓚自書詩稿余錄出以清閣閣本相校其中同異有一詩多至十餘字及以七

律節為絕句者

蘇釋字魯山號止齋燦孫錢塘人嘉慶乙丑進士官山東青州知府

杭郡詩續輯止齋由翰林入諫垣巡視東漕以言事不當左遷後出守泲平丁母憂起復知青州府卒于官

謁嚴子陵祠



十月桐江劇清泚釣臺霜葉分紅紫  
握衣祠下拜先生酌酒  
一言難自己當年仙尉去九江  
視棄妻子如脫屣婦翁冰清  
洵可風隱形藏光真妙旨胡為垂釣獨羊裘  
致令物色來天子入朝談道禮數崇  
其臥殷求相助理其時大難盡削平  
袞袞雲臺動莫比縱令拜爵已無功  
不若煙霞歸故里先生是  
否意如斯高隱千秋難媿美博得官家作故人  
復占人閒好

山水

吳存楷

字端父號緜雲錢塘人嘉慶乙丑進士官安徽當塗知縣著硯壽堂詩鈔八卷續鈔二卷

府志存楷性嗜讀書諸子百家罔不研究尤嗜飲醉則長謠短吟搖筆輒就善肄書純用漢人法與山阜桂馥絕相似性簡伉不為脂韋疑齷齪態罕招遠時為太守倚撫罷職既而復官為當塗令政弊累深以飲酒致疾卒

武林人物新志曼雲詩極新穎不拾前人牙慧詩餘尤饒旖旎之致

李兆浴序略曼雲深于詩者也其神寂其氣包  
其政事優柔中平所為不近名而廉隅較如

劉珊序略曼雲吳子昇稟天授  
奇情境闊軌旋所涉秦蜀為多

阿都行并序

阿都隸西昌縣土官安氏世守其地安定邦死子幼  
未能承襲以其妻都位加權攝位加年甫二十餘有  
節操寢所以夷女十六人環衛之夷俗男女素無別  
而位加能貞潔自守如此蓋

列聖德化覃敷雖蠻方亦知革面矣余從觀察巡徼至其地  
因作詩以待采風

驃衛以北徙徭西乃有阿都長官司旄牛山下列砦住河東  
一姓分守之厥酋天折子幼穉請以世職歸其妻獾猓十萬  
隸尺籍土舍土目威所治歲時亦行獮狩禮桶裙外夾黃金

鈹三年拜表達重譯厥貢文馬筐織皮巡方使者銜

帝命叱馭來撫西南夷邛都君長夜郎大警服猶復煩鞭笞  
阿都一部獨效順嗅鞞以鼻容委蛇紛紛連袂迓旌節女官  
鞞騰如男兒繡金之裳錦罽衣豐貂一尺圍螭螭瞳神秋水  
不敢溜馬首肅拜恆垂頤剖羊縛豕趨行炙雜以斑鹿兼文  
狸歡聲殷地齊拍手鈎轉格磔相誦諮我聞夷俗久僑昧豕  
交磨聚人所嗤女官問年未三十何獨潔守甘爲養面首不  
聞左右設秦家老婦羞娥眉歌成阿禘時一唱峒花狝鳥皆  
酸淒碣房持踵藉蠻女長宵宿衛無暫離禿髮裹夢入冰槩  
玉貌凜若含霜姿雄酋或萌覬覦想刀光出水同兒嬉用能  
葆真逾十載吠虜不敢窺藩籬

聖朝聲教訖四海日以仁義漸黔黎何圖夷獠亦向化志節

遠與共姜媿契木儻許樹綽楔願為使者陳風詩

謁昭忠祠一百韻

祠奉詔建祀兩金川廓爾喀苗疆教匪諸役死事之臣

不上麒麟閣功名百戰場生為衛社稷義在死封疆憶昔

皇輿闢羣欽

聖武揚耆之增式廓逖矣屆蠻荒玉壘纔飛檄金酋首跳梁

設謀潛縱掠築堡痛胥戕弓楨塞外獠升捷繩橋自汝保而

橋索為蟻度怵頭人頭人彼中區以類驅薄峙其糗誘敵心誠

狡防姦慮或忘時大將軍温福等皆墮誘敵計戰歿自

天頌將略謂阿相國桂奉命進討滿谷耀軍裝僕以偵師用兵因轉

戰強連營歌虎闕餘孽靖鴟張界畫三通路誠輸兩面羌松

桃增地利候尉肅官常金川平後于美諾懋功拓土黃圖鞏

探源黑水長文猶懸露布星忽動機槍衛藏分前後番僧雜

莠良丹津初見殺廓爾喀之乃出與滋事也王師抗白芳遽相攘攬

甲行釐足珠林勢扼吭狂書貝多葉羣聚糶粃糧番人以牛

青稞糶切之曰糶粃整旅韜藏豹當車臂逞螂陣排花雨密風散劫灰

颺已識尼駝達西方主者尼駝空知替戾岡濟隴前拒失扎

木覆師張濟隴扎木皆執訊多駢首橫尸半截腸投荒

哀象教懲惡宥師狀戢暴詩賡武誅凶治軼唐羣蕃歸部落

千里設亭障擁節麾分建衛藏全定設駐囊弓喜共慶有苗

興酉水流毒到辰陽姓或譌猺洞尚書蔡傳諸猺有貓源應

異宕昌宕昌亦苗花紅傳異號生熟煽殊方有花苗紅苗生

露紛珠瓔珞弓衣鐵衲襦周遭驅突豕劫掠肆貪狼元老猷

能壯謂嘉勇公及全軍卜允臧臥羸當孔道為鶴列戎行有

翼雙甄出如蟲百足僵吹蘆懷舊德苗俗作樂以蘆隕石淨

餘殃首逆石三保醜獲連軻載師旋擊鼓鎗勞應歌板屋變

似起蕭牆螟螣雲騰沙臥榻傍繙經徵詭譎漏網益披

倡匪邪教首賊劉之協伏誅餘倡教由來久白蓮教之名明末

繼也稱兵竟未防官司皆錯愕村落更倉皇裂帛竿盈幅

磨鎌刃露鋼教匪初叛時以衣靴刀凝血紫帕首異巾黃教

皆以白巾蒙首徵貳謀偏狡謂逆匪思明勢倍狂梟凶盤廢堡鼠竊

困連鄉

賜鉞朝

願命飛弧夜有芒金符歸虎幄

丹詔授龍驤挾纊人思奮投鞭業共勦徵兵連隴蜀轉饒藉

荆襄深入營皆砮橫磨劍有鉞飛髻流電激巨礮轉雷碾舉

詫雲連陣真如雪沃湯魂游收罔兩勢急縛麕麕京觀崇丹

堞鏡歌製玉堂九年勤撻伐

自乾隆六十年至嘉慶八年而大功告竣

五省奏平

康

教匪滋事湖南北及川陝豫省皆被騷擾

列堠烽消餒班師矢納房紛爭幾蠻

觸閱世小滄桑卻憶艱危際同為險阻嘗將軍握符節性命

寄刀鐙道失五千卒身留七十創山難緣米聚籌只借沙量

月暈當天見星輝到地搶死綏應報

國橫草足流芳或據巖疆守相期授命亾城餘三版在劍可

百人當煮鎧飢餐甲橫戈恨裏瘡踐更巡睥睨穿穴陷池隍

莫禦臨衝至還將巷戰商守陴空幕府罵賊聚鬢庠貞婦多

如魏鄰童或姓汪歸元顏不改揜土骨猶香毅魄同黃馘悲

風起白楊魂歸山寂寂鬼哭夜茫茫

聖代褒忠烈

皇猷肅紀綱羽書初獻捷赤帟正來王

時以正旦奏捷時值王會之時

助順

辭蕃服時外蕃有請以兵助義者優詔卻之餘威震越裳安南遣使入貢改其國號曰越南

元勳功上上

天語册煌煌

特進羣公爵同躋四輔望成勞分等校超擢沛

恩滂捐帑人爭效蠲租歲屢穰時奉處久被兵役蠲免地丁恩旨以川陝等

深仁無弗戴勁節更宜彰喜見營神宇重為弔國殤地鄰三

寶寺祠在金輪寺之側潭近百花莊左右階俱城東西室有廂禮原

儕郡縣時州縣皆建祠色已煥棖棠禁扁褒揚重朱牌爵里

詳詔尸升玉帛調律奏箎簧

曠典咸歆格孤忠藉表章鯁生悲落拓萍迹久徜徉磨盾文

猶待搴旗志未償意行過澗壑瞻謁到祠堂聿壯風雲色咸

爭日月光勳名稽衛霍姓氏識韓彭一寸丹心在千秋碧血



藏魂難招柳翠誠欲奠椒漿暮色增蒼莽孤懷倍激昂長歌  
一相弔揮灑墨淋浪

書高青邱詩集後

空有文章結主知偏從蕭散得艱危年華頓作干將折詩句  
爭傳駿骨奇一代清才收史局千秋遺恨付宮詞白衣曾見  
還山客回首葑溪悔亦遲

蔣

詩字泉伯號秋吟師倫子仁和人嘉慶乙丑進  
士官陝西道監察御史著榆西仙館初稿

純廟

實錄授編修入史館所撰書多且速無少外充丁丑會  
試同考所薦皆名士居諫垣章每月數上督撫于赴轅

申懇者多還本州縣覆訊不無迴護前事請易他員免  
冤抑又奏禁徵糧折色運丁需索河南鹽梟安徽捻匪

旨俞

允巡視南城日積案數十革除盜役吏目等官咸知  
自愛磨勘秋審冊改情實為緩決者數人能吏皆服其

允罷官後主講同州豐登書院所著恭呈  
御覽存備采擇其集古詩作尤璧台珠聯無媿潤色鴻業也

御覽

存備采擇其集古詩作尤璧台珠聯無媿潤色鴻業也

陳運鎮撰墓志公在諫垣疏月數上嘗旱禱雨不應時  
刑部連坐繫獄四百餘人請省釋果雨有諫垣焚錄  
二卷初尚書彭齡跋曰余嘉其學古懷道有國士之風  
而仕于朝又能不失職尚書固不易許人者也所著有  
尚書古法釋義四十卷讀詩句釋六十卷河防翼議四  
十卷海運雜錄二卷臺灣兵備志十八卷地理辨正釋  
義四卷綴補水利略五卷別纂綴輔水利  
志一百卷榆西仙館詩古文集四十五卷  
緝雅堂詩話秋陰先生有沽河雜  
詠一百首引證雅博可備掌故

山夜

萬籟夜都寂千山月正明  
天將塵忽洗秋亦靜無聲  
仰見雲翳淨澄觀潭鏡平  
還來松樹下枯坐到三更

先大夫崇祀鄉賢

命下會周蓮塘尚書文為題入傳文苑詩次韻

兩字十萬言一經百家說  
絕業在鉤沈樸學慙守缺  
先子昔治經懷古心如噎  
溯自秦火還漢學不磨滅  
浮海此問津測

晷資樹臬後來訓詁家奇字矜摭列藉以文淺陋豈知蹈竄  
竊其究古經中曾無精義挾諸儒解各異聚訟中莫折公獨  
慨流弊長篇紆蘊結詩有字畫強附會諸句照底窮根厓爲學得心訣  
五字句傳薪甘韻筆代舌論交情見詞懷舊面成耄憶昔挹  
蒼顏流光一何瞥尚記耳庭訓學博先品潔邃學尊經師立  
品稱儒哲小子抱遺經失墜心所切屬者請鄉賢祀典光先  
節今也立史傳祕館揚先烈崇儒勉後賢闡幽今獨絕

酈亭

道元好學多奇書撰注水經四十卷又爲本志十三篇七聘  
諸文古稱善汝南王悅嬖邱念收念付獄赦莫援劾悅會叛  
蕭寶夤悅諷遣往充使選行次陰盤死驛亭死節咸爲道元  
言置之酷吏魏收書信史幸毋黑白變豈以吏民訟刻峻嚴

猛之稱竟定傳范陽尙有此亭留我獨感懷君著譔

送族父之瀋陽掌教書院

與天無極太白山上薄霄漢二百里西控山海關下臨混同  
愛滹鴨綠三江水扶輿磅礴生

聖人我

朝龍興從此始同文廣學書院開麗正白鹿遠媿美屬者先  
生應聘去遠陟遼陽訓多士我聞肅慎氏商周貢楛矢其地  
已與朝鮮連樂浪元菟眞番臨屯四郡爾漢置都尉唐都護  
屬國安東載在史先生下馬問遺蹤吟哦故事供驅使生徒  
編成出塞集它年定貴一時紙戚郃相將賦渭城我塵短歌  
有如此

鮮民篇

服闋題  
遺照

同折齒汗賣錄

卷二十三

蔣詩

七

戊午喪考匍匐反里復罹鞠凶丁卯喪妣鮮民之生不如死

之久矣解一大母昔棄養先公方七齡悲哀感行路喪葬各盡

誠爾年况既壯風木禍不甯胡不自隕滅忝顏而獨生解二在

昔繼大母逝後纔四月先公至性成死孝相繼歿嗟爾胡為

尚苟活解三鮮民生不如死人死孝為孝子爾幼讀蓼莪盡究

蓼莪旨解四

阮侍郎前輩督漕淮安查宮贊以詩寄贈次宮贊韻

藝苑推先進經神列上公澗江羣紀績學海獨循躬身裕儒

臣業人欽名宦風飛芻來七省運道溯三東敷政民心洽通

經道氣融詩文韓柳接勳業杜房崇早歲飛騰捷搏風霄漢

獅至今仍黑鬢遇事秉丹衷校籍同劉向趨班擬葑崧漏壺

蓮漾碧官燭影搖紅橐筆依青瑣摛華麗絳宮神仙伴李白

才子陋崔峒官職霄翔鳳文章氣吐虹按羅胸燦宿箸撰水  
翻淇江左風流冠西泠物望充人才交淬厲吏治媿香薷授  
簡披銜雀藏書訂鸞熊羣山歸岱華訪古遍衡嵩金石評眞  
贗丹鉛辨異同斷紋碑碣石古器鼎彝銅乙證虞尊父山尋  
秦祀童岐陽周石鼓吳下漢焦桐盡入收藏內咸鐫款識中  
證經徵博正纂詁識宏通駁辨懸河瀉研按刻骨聰文增經  
典釋帙積簿書叢選錄憑輶輯吟哦到馬隴字原蒼頡始篇  
數李斯工訓纂刪重復凡將括始終扈鄴遺盡拾笙筑埋憑  
笛皇象書疑墮劉芳證未總偃文波蕩漾篇義玉玲瓏草木  
糾菱筍尊罍別豆豐古歡惟獨契漢學孰能蒙藏屋川歸海  
編香水聚灑珊瑚駢入網綿繡自殊網小學三倉卷莧文八  
尺筒九重占渾蓋六峯測鴻濛秒忽窮星律織微核蠟螭縱

教門列槩仍若戶編蓬積日研摩切窮年術業攻著書恆兀兀教士懷控控辨體嚴淘汰求精備鑠襲一時推製巨當世仰文雄篤守尊經緒潛心稽古隆尋源探窈奧登峻躡梯空史傳知幾識成編不朽功徵書勘亥豕采詁到貂鼯經訓菑畚在韋編歲月窮因思傳世業直似蠹書蟲緱有干尋汲參應三日龔前賢資論定文士此牢籠砥柱流咸障狂瀾水未汎且評眞品藻接物益謙虛水鑑常如月陰霾漸埽雲詁詩塵巨斧未學愧良弓入直依蒼範趨

朝俟絳櫳闕前瞻朗抱語次炳方瞳卓論逾耆艾長言牖闇膏繹思慚畫史六法撫王蒙

明周忠毅公玉印歌

公名宗建

熹宗童駮政不綱東林之禍尤披猖進忠奉聖競煽焰廷臣

交結資權璫黨人籍數周忠毅抗疏連章羣小誹見邪不擊  
非忠臣

公疏首句

此生懍懍浩然氣惟公志在千載名傳世要與

金石爭爾時誰窺鑄玉意上公目不識一丁中官狐鼠何足  
計以髡激主環泣涕獨憐鞏輩假聲援遂遭誣劾欽程擠緹  
騎南來獄竟成顯純窮治忽厲聲二五虎彪倍者狗點將造  
錄益肆行嗚呼成公盛名致公死大節堂堂有如此公名與  
印並流傳名宦吾鄉炳青史

公會宰仁和

胡中丞果泉丈仿宋本刊資治通鑑文選以所刊文選

印補余家藏缺卷

溫公通鑑政治資自言一讀王勝之其宅與公雖同時未及  
終卷睡已思司馬而還八百載肯讀公書幾人在今鄱陽公  
胡中丞仿宋本雕讀已再



文選都為三十卷呂劉註本仍舊纂卷忽倍之始李善為梁

昭明開生面五臣六臣註合并坐令善本無單行貴池倉使

鈎畫明惜我宋印卷未盈家藏有延之本缺十餘卷

諸嘉樂字令之號秋士仁和人嘉慶乙丑進士官江蘇泰興知縣

東軒吟社圖傳略公性伉爽初為校官通籍後選得泰輿令數月以不耐案牘引疾去耽于著述嘗仿鄉先輩

翟教授灑通俗編之例集遠近方言博證經傳分韻編次著方言韻編二十四卷詩才尤沈摯亦喜填詞無子

有一女適某氏垂歿遺書悉付之

仲夏十有七日招同人集吉莫吉齋

廿年蹤迹寄蝸廬回首名場自懺除得馬不妨仍失馬非魚

何用強知魚垢囊憤逐康成後破帽閒尋彥道居一笑浮生

真浪擲區區視蔭復何如

竭來牽率繫朋簪把臂居然欲入林大雅聯吟羞續尾中年

洗琰喜論心餞春又迨迎梅熟留客先教就竹深吉語相要  
銘陋室仰瞻遺額一霑襟

深杯密酌語蟬連欲指銅人話昔年蔗境升沈因地判萍蹤  
離合會天全宜男空負泉邱祝選壻從誇宅相賢末座論文  
露頭角不殊芝玉映階前

壯懷已共隙駒徂得洗狂奴故態無醉後調言醒輒悔閒中  
雜感曲難摹北山枉欲招逋客南畝長期事嗇夫明日催詩  
聞剝啄奚囊檢盡詒癡符

夏蔬二詠

斜陽媚晚圃璀璨排蓬蒿青紫紛可拾價讓山人高忽牽堂  
下牛狡獪矜兒曹一笑語庖丁特殺具太牢

蔬

櫻廚興已闌筍事一春足孫枝復從衡先鞭互思逐山僧相

相致肥瘦較梅伏頓頓索羹湯吾甯食無肉 鞭筍

錢人杰 字子仁號毅盦嘉興人嘉慶乙丑進士

石瀨山房詩話毅盦幼居村舍蘭圃封翁中年無子訪於族人一見奇之問何好日好讀書遂挈歸撫養性類敏下筆華瞻由詞垣改授海陽令居官廉明未幾丁外艱杜門不出春秋佳日每邀二三知己續舉紫華詩社分曹角韻觴詠為樂或雨蓑煙艇徜徉山水間嘗自謂前生應是一漁父因自號東湖釣魚師倩人繪東湖漁隱圖以見志其詩風格雋爽能絕去科臼目寫性靈尤工漢隸手撫數十種藏於家

舊縣道中

入山復出山山自環抱四圍隱霧深孤嶂插天曉蹇驢曲徑通一曲一山杳回頭失翠微障面落青峭穀城礪礪間蔥蒨辨難了峰迴林樹稀路僻村居少非關春風偏不綠山上草恐傷游子心無草意亦好

栖霞洞

已登栖霞嶺  
更人栖霞洞  
石扉呀然開  
霞氣薄林空  
秋兼紅雨飛  
日落青泥凍  
頽峰危向人  
天半壓雲重  
徑轉水逢源  
苔補山無縫  
幽僻行蹤稀  
寒泉發清呀

陳鴻輝

字範川嘉善人嘉慶乙丑進士官內閣中書著賜視齋詩文集十二卷

清志鴻輝由翰林充武英殿會典館纂修官旋以望誤歸道光初起授中書著

有全唐文紀事全唐文年表

攜家赴寶晉書院舟中與邵吟霞茂才以春風微和四

字分韻得春微二字

去國二千里浮家十四人  
江山留逐客風雨泣孤臣  
載酒吳船夢烹泉秦塢春  
勞勞歎行役辜負此芳辰  
薄宦倦遊後餘生願亦微  
租田八九頃結屋兩三扉  
山水留吾誓乾坤息此機  
嗟君等飄泊何日得同歸

喜錢心壺給諫 儀吉 至

驄馬威聲道路寒早聞清望重臺端誰令海上龍窟窟爭識  
朝中獬豸冠命代文章傳世易還家歲月閉門難憐子視草  
花磚久老看天南荔子丹

朱為湖

字右甫號茶堂平湖人嘉慶乙丑進士官至漕

崇祀錄為彌幼失怙恃事祖母孝築慈竹居以養友愛  
諸弟教之成立敦卹姻戚代贖兆域曾充會典館提調  
卷帙浩繁皆親為釐正官御史時條陳閩浙戰船及江  
西封禁山等廿餘摺官倉場侍郎南漕逾期不至奏定  
以速補運章程遷漕運總督條奏漕運章程十條凡數  
千言為府尹時親督捕蝗為副都御史時監糶黃村監  
放粥廠終事秩  
然民需實惠  
葉志誥序略茶堂侍郎嘗為阮文達輯積古齋鐘鼎款  
識說釋詳審又撰敘二千餘言沈博絕麗為士林傳誦  
性好為詩余尤服其詠古器諸作波瀾雲詭寶光燭天  
非貫串墳典而得其精華者豈能有此侍郎由部曹游  
登九列清勤自樹二十餘年如一日蓋卓  
然不媿於古之名臣不徒以文學名也

八甄精舍歌 有序

吾友張叔未解元居嘉興之新篁里於海上得漢晉  
甄八出曰萬歲不敗曰蜀師曰太康二年曰永甯元  
年曰元康二年其不全者曰吳氏曰儒墓曰萬因以  
八甄顏其齋屬予賦之

周家搏埴之工不可見最古惟數西京五鳳甄炎精入地字  
帶土花紫建武建初俱載洪氏編古鹽官地近接蛟蜃窟潮  
落寶氣騰出黃沙邊此器非金非銀非瓊玉文人慧眼下燭  
窮九淵赤腳入水水退四五尺手持鐵網網得珊瑚鮮萬歲  
不敗篆追冰斯古文同吉芋利善祈延年蜀師例與景師蜀  
夫合良工合土功致名乃傳其餘太康永甯元康作隸法寶  
鼎天監相後先滄桑劫餘僅存二三字缺月隱霧斷虹陵秋

煙拓掌大笑攜歸嵌齋壁常伴一枝檇李春秋前

精舍前有檇李

陽銜文兼精金石學要收爨下桐木柯亭椽恭王翁仲銘識  
君能釋知君碑版鐘鼎皆精研君身亦如寶甌遇拂拭飛鷺  
嶺上高折秋花妍嗟余青衫零落負知己窮途白眼飽受無  
人憐譬之陶旅制器埴不孰應借砥砭瓦礫同棄捐風雪連  
朝惠作剡谿訪相與烹茶斂舊情纏絲手出繭紙命我作長  
句謂我曾讀急就凡將篇并出甌文贈我凡五紙一十四字  
字字珠璣連丹甌銀甕已見地寶出方今

聖人稽古真同天夫君著作韓碑兼柳雅他時玉堂金馬稱  
神僊一語屬君君宜銘座右莫學八甌學士耽高眠

平湖廣陳里普照寺唐佛塔甌研歌

有序

普照寺俗謂之東寺邑志云唐爲僧伽院宋錫今名

寺有塔燬於明嘉靖閒宋程珪寺記云塔建於唐咸  
通三年案咸通懿宗年號嘉慶癸亥孟夏禰過寺中  
僧營觀音殿初成殿側有古甎數方甚大且厚隱隱  
有字迹僧云此去年營殿從土中取出者殿下係古  
塔基累甎稠密故成功甚易余從僧乞得數甎歸洗  
之甎側陽識正書佛塏成就四字一甎面有咸字以  
下磨滅蓋紀年也審爲唐甎無疑琢爲研細潤可愛  
因作詩誌之

海鹽故治當湖鄉秦碑漢碣淪渺茫落蒙古甌伏榛莽灰餘  
殘劫悲滄桑九峰破冢出繆篆吉羊文勒宜侯王案山掌紋  
印井發漁舟宵發驚珠光城東廿里廣陳聚青林綠水環陂  
塘唐時此地關蓮界佈置寶屋迴長廊石像自出花雨下桑



門作禮庵羅芳翠堵波建懿宗代香火院記程珪詳大中秬  
政雜瓦礫白衣秉國尤披猖海隅猶復事象教輪相儼欲陵  
龍堂旅人搏土戒薛暴舍利函鐵爭輝煌羣倭寇邊值明季  
槃蓋炬發炎岷岡鐵鈴金旛盡塵土誰憐牆埴頽斜陽迄今  
琳宇更荒落蒿萊徧地如人長居民取水得銅鋤田夫培土  
敲瓦當往往月夜露光景浮圖影與雲低昂嘉慶癸亥月在  
已我來訪古停野航迦藍初謀構精舍枯蔓未埽依壞牆牆  
陰有甑脩尺許蝸涎隱約蟠文章僧言此是塔下趾拊埽繩  
直工作良紫雲幾片落吾手珍重不啻球琳琅歸貯益益淨  
洗濯身率僮僕齊勸佛塔成就四字現咸通年紀鐫上方  
李唐舊物千載出慈恩多寶相頡頏古人好事重款識功德  
所著垂弗忘想見茲塔合尖日澄泥薰透梅檀香我藏晉甑

計二品後者與甯前永康琢爲方研釋鐘鼎要以古澤書經  
緜得此鴻寶鼎三足櫝加髹漆包錦囊作詩徧告我師友如  
拋甌石求琮璜他時志乘誌佳話辟支珠網重生苾

感舊詩六首

東髮受羣經發蒙養以正七載侍絳幃昏頑反其性兄弟凡  
五人後先賴提命先生學士孫祖德厲儒行志繫色自溫境  
窮節彌勁骨肉嗟凋零生徒視于姓回思易簣言至今淚常

送

陸拭齋  
師諱鑑

風雪趨北郭葛帔憐西華飲食且教誨重襲春風加爲誦先  
正訓存誠閑厥邪小過必呵責片長隨衷嘉鄉里童耆舊霽  
月舒光華吾師承架法教澤深無涯志乘標古直庶幾警浮

誇

屈樂餘先  
生諱橋年

兩浙輶軒續錄

卷二十三

朱爲淵

丙

八十三

先生居潮陽文行弟子鵠先生宰孝豐清操絜冰玉嗟予轅  
下駒十年困局促文字結神交許以麈獨角知深語自眞感  
極淚相續計偕留京都驚聞壞梁木平生恨何窮未及撫棺

哭王三樵師  
諱應銓

徙家當湖里父友欽諸張悲公早溘逝宰木經十霜昔荷孝  
標誼終始謀必臧算田與營墓勞瘁公親嘗交情篤傾蓋謙  
德銘循牆絲蘿一以締知己恩難忘所嗟碧鶴雀何日能飛

揚張蘭畦先  
生諱錫燾

先生古鄭虔藝事綜三絕坎軻亦復同松竹諒高節總角依  
坐隅比長心更折追隨杖履遊旬月不忍別酒後悲歌來肝  
膽互相挾幸得長者譽稍杜謗者舌西泔一過從悲哉成永

訣方博菴先  
生諱薰

仕宦入郎署文譽騰江關歸養臥林壑朋簪娛燕閒廉讓復  
慷慨金盡凋朱顏小子感厚意桐谿時往還酒半發至論熱  
淚隨漣漣贈鏡竟長別投箸辭人寰庚申夏予往武林過桐  
華館留二日臨別以古  
鏡爲贈遂成永訣公卒之夕與  
鮑淶飲對案而食食半而逝仁人乃不壽天意何其慳金  
鄂  
巖表丈  
諱德輿

題阮中丞師秋江載菊圖

開府湖山靜不喧秋來鄉思落鄉園園丁恰與秋風約特送  
黃花到戟門

節近重陽風雨催滿船秋色渡江來此花本自宜長壽合侑  
南咳介壽杯

澹澹冰心映玉壺政餘丈室課花奴階前幾尺廉泉水分灌  
寒香八百株

童 槐字晉三一 一字樹眉號莠君 鄞人嘉慶乙丑進

家傳略公所著詩文集外有補雅一卷過庭

筆記一卷從政筆記四卷眉交筆記四卷

錢振倫傳略公好學為福味經得映樹骨於堅固之林

據才於宏富之路早歲官居祕省熟諳當代典章暮年

志在名山殫討四明文獻自非抱病未或廢書閒遇解

官即問講學至若入法工書六鈞善射繪外蕃之職貢

則立本新圖求泗磬之正聲則

杜夔神解亦非一二能詳也

董沛曰先生久官都下為諸公卿作進呈文字沈博絕

麗足與邵南江抗行視彭紀諸公以宋四六為根柢者

殆有過之詩亦大

題經義考後

國朝經學匯淵海四大布衣稱儒宗竹垞著錄八萬卷石室

金匱資旁通侍從歸來迪後學潞河南下書連艘傳志存亾

瞭枚數秋林散佚翻金風晚年稭稭成此册義例特勅辭牢

籠日闕日佚日未見書名挂眼皆發矇存者討源必竟委時

或攷異毋從同爵里姓氏篇目後附案開出偏師攻卷逾二  
百信鉅典經定十四尤奇功惜哉三篇僅有錄得非撰述功  
未終或云隋書志經籍各就專說無相蒙五行時令以類屬  
經流既道餘波通是書編次極參互驟覺水乳難交融序跋  
備登亦稍冗鼓臂恨乏裁翦工從來著述易招議此論雖覈  
殊未公先生意在備文獻不恃老筆憑虛衷完缺與古更異  
趣何由強躡前人蹤坵南坵北吾舊厯一亭想見羣書叢定  
知後學賴修綆陳經欲拜梅里翁

芸臺師毀海寇兵器鑄岳墓前佞人詩以誌事

我聞賊臣腹劍致人死今茲潢池盜弄毋乃是伏莽難稽草  
竊誅鑠金那道姦諛罪精忠祠墓棲霞山墓門纍纍囚羣姦  
白鐵無辜成鑄錯還應淚落松楸閒開府旌旗盪鮑穴耀燧

無聲白虹滅殘骸已散鼈令魂斷鐵猶腥人鮮血洪鑪一氣  
如轉輪凶器入冶成凶人庸知若輩逞荼毒不爲賊刃之化  
身岳家當日軍難撼江淮轉戰愁雲驟麻扎方揮酋鹵頭戈  
船早落萑苻膽鯨鯢翦盡風波平風波轉向亭中生三字獄  
成工鍛鍊一家奚啻死寇兵金陀遺恨憑誰補橫海班師酌  
杯土銀鐙跪地空仇人猛士風雲慨今古嗚呼錢江江底遺  
簇三千弩安得更鑄此金事忠武

紀蘇花獄

長安一夕幾家失小兒千家父母相顧驚且疑但聞人言日

鼎沸不知其事誰見知婉婉中丞

長副憲

孫潭潭相公

長牧庶協揆

府嬉戲捉迷藏何爲出外戶紀綱見報追及之時神色類妖  
蠱相公上陳按治妖人游徼四捕乃得一嫗嫗牽至兮形獮

猴茹五毒兮嘶呶憂苦鞫兮不承袖有物兮若繩青煤白楮  
兮相包纏向日吹火兮生微煙秋部多張湯此情識者寡竊  
問老獄卒云是甌花者煤中雜藥燻之能使兒自行得兒之  
後若非掠賣卽采生白相公爲嗟善人言非詔此其左驗窮  
厥醜類無遺育勝之在武健嚴酷一嫗引類眾嫗屬道上貧  
婆半入獄法吏來樞庭爲我述此言我心輾轉爲之神志惛  
曾聞會稽胡麻能食小兒腦又聞虎邱婦擁嬰兒魂任生呼  
之始脫懷抱見王楙野客叢談及張讀宣室志彼皆鬼物此人耳世閒怪事  
那有此若如聶鋒女隱娘見偷乞食尼尼乃飛仙劍俠安得爲  
爾羈諺云停囚長智智者之事殆不可思議姑請詰老卒所  
言何徵勿恍惚或令一試爲其言驗否當可知法吏唯唯似  
不余鄙須臾下直吾歸休忽聞西市論決甌花囚詰朝有客



爲余道市中徹夜鬼哭聲啾啾

明天啟三年戲金小鐵斧歌

斧展明廷久虛位熹廟童騃玩神器九重法物此么麼斲罷  
月宮鏗墜地金花慘淡銀花寒神州寸鐵形模殘威械無威  
大枋小輻艇漫認雙龍蟠款誌年庚重回首闍奴秉筆從辛  
酉三年更鑄一錯成仗鉞刺邊任羣醜是時內操方弄兵氣  
連闕蜀戈鋌橫廠衛銀鐙復肆燄當空太白搖金精頑鐵無  
知供操作滿几零星鋸錐鑿章奏何來朕已省宵衣忙煞蓮  
花鏢古來元化窮雕鏤其工以下梧齊侯豈知巧匠作天子  
還令廟社成荒邱茄花慟哭出宮去齒髮龍函奉神御運斤  
妙手一朝空此時此斧歸何處貂璫伏鑕鼎隨淪妖物清時  
委路塵從來殷鑒須留取訓著風懲古大臣

挽大庾師

寸心力與古人爭，經濟文章肯避名。及第早推眞宰相，蓋棺猶是老書生。黨無牛李憑謠詠，世有歐梅服鑑衡。心膂如公纔不負，天教盡瘁佐昇平。

昇平

瀛臺曉直觀冰嬉

橐筆趨金鼇，寒空引遐矚。華鳥影削瓊，仙壺光瑩玉。明鏡俯玻瓈，陰羽辨林麓。

至人方披章

行殿猶乘燭，冰上漸有人。隄外已立鵠，半晌開神山。萬景盪晴旭，劍佩各在腰。旂旆紛滿目，選軍佯凌波。凌波軍於五日競渡，奪標見南唐書打標仿拍毬，任不失履。綦氣先勁裝，束脂羣豨膏。分踣鐵

馬踠蹙

隊著冰鞵木底如高屐無齒似曾加膏油者

星津動

華穢月地轉

黃屋騰空下彩毬導前揚大纛放溜百道衝奪錦一心欲踵

合黏脂膠

人各並兩足不開步

脛挺植竿木忿勢搦弓危高尻運輸速

橫著韓果翅直奮樓季足影瞥下瀨颿機迅離弦鏃奔星帶

響流長風恣意撲吉莫鞞競移貴由赤

快行也見輟耕錄

相續當先

一鳥過尾後六馬逐後者忽見踰先者反為蹠一丸跟肘交

兩賢性命搏勢迫或失持影亂或誤捉迷離董偃盤脫落巢

王稍痴瘦嫺獨承象罔珠竟握

賚邀餅金頽迹餘花纈簇

法駕迴蒿宮侍臣緬蘭澳清光江海凝材勇禁廂蓄昆池習

戰煩凌橋渡兵促何如際

承平講武武不黷歸去吟興賒天花散滕六

楊時齋提軍

遇春

劉松齋都轉

清

夜集寓舍醉中作長

歌奉贈

老楊將軍萬口傳誰其匹者劉青天今夕何夕同此筵櫪馬  
仰月喧城邊兒童走卒門巷填攢頭競進窺鐙前一揚火色  
奮戟髯一植瘦骨垂霜顛高談風發眸珠懸殺烝馨後噉羶  
肩我起其閒雙袖揜淋漓醉墨書堂檮茲堂閱人二百年顏  
以聚星今始然書竟擲筆枕藉眠吾愛二公言難宣古來疆  
事憑貂蟬武官惜死文愛錢若輩痼疾膏肓纏國脈何恃能  
長延二公百戰勲名全常使眾志金城堅丈人弟子成深綠  
行閒出入兩飛仙誰道文武殊班聯惜如太阿與龍泉稀世  
尚覺生材偏長空四望星氣連九野齊捧圓蓋圓公等早應

英雄躔異時輝映須後賢識拔麾下諒所先心兵指授誠拳  
拳一可化百百化千將才從此收聯翩郭令廝養皆戎旃  
帝得猛士守垓埏山河永固鐘鼎鐫大美豈非公等專二公  
相諾交相憐出門上車吾執鞭回頭仰觀旭彩鮮西南萬里  
無風煙

宿臨潼驛

新豐酒市黃昏散少華送人青不斷深更笳鼓動驪山誰道  
華清成候館是時月黑風騷颺颺驚竄荒雞號東西繡嶺  
總如墨但見懸厓樹接明星高移鐙廊廡背林壑折過虛堂  
掩雲幕似聞池水噴蓮花猶覺衣香襲蘭薄吁嗟乎馬嵬驛  
與臨潼驛一樣教人感哀樂僕本恨人那遣此敲枕中宵睡  
難著卻思全盛開元時夢魂飛上朝元閣

粵中花草多所未見者芸臺師每遣小奚折一枝見示

詩以紀之

嵇含狀草木深致雅人領吾亦生南方此書謂可省

讀作減省之省

今沿章江來林壑變凡境棉紅燒一天榕綠涵半頃取次訝  
蠻鄉況復越梅嶺迎船物色繁過眼半不省蓮幕盛栽植幽  
事遣春永仙荔攢黛葉佛桑漾丹影貝多觀音蘭瑰詭出娟  
靜尋常桂與菊候乃並桃杏吾師勸多識示益不待請一物  
恥不知諒哉陶宏景

閩七夕詞

天工巧算餘分積春藥秋星眩詞客昔年鏡水閩花朝今歲  
仙城閨七夕仙城前月紛瓜筵美人秋思何纏絲茗篁更薦  
李容子孔雀重紉沈下賢靈娥此夜應無計一年一渡天公

例雲渚遙憐脈脈情燭房替瀉淫淫淚七夕紅留粵荔支一  
寸黃消楊樹枝郎意黃楊終自短妾顏紅荔不多時此時蓮  
幕秋香窟牽牛花殘桂花發幾千路隔泛槎人第八回看上  
弦月數來桐葉圖琅玕別有秋心愁畫難但願人間勝天上  
耕夫織婦常團圓

及門山陰汪兩人解元

能肅見訪

悶雨覺有懷不省繫誰某猝傳滅字刺中懷豁如剖聲呼達  
楹東拱立見座右欲語茫無從相驚各衰醜趣將行李至聊  
爲弛擔負虛閣開塵扇壁苔紛可帶藜牀話零星晷刻午移  
酉登筵乏瘦羊充盤足早韭吾欲騁醉談恨子不飲酒嗟子  
自京國相從廿年久當時應俗文無心得舉首天機轉靜深  
志業愈清厚怪辭易驚眾失子誰引咎落魄趨風塵相逢歲

丁丑荏苒又四載天路同撒手行藏一拊膺恩怨兩箝口東  
野詩宜窮次山文不苟吾門幸得此豈羨青雲友顧影祇自  
笑丹鉛亦長守若問所著書避謗效陸九且飲勿復問南山  
在窗牖

秋懷

江湖秋水闊鴻雁殊未來帛書何時繫尺素亦悠哉西風著  
意凋華髮鳴鴉聲催眾芳歇天涯祇是夢觚棱當頭夜夜長  
安月

華兒捷春闈報至卻寄

五十少進士唐人言其難惟難斯爲貴擬以九轉丹汝年甫  
及冠逐隊強就試穿楊豈所能拾芥一何易曩余過三十名  
遂學已劬自茲世務撓所就恨區區誰起八代衰誰爲百世



師科目以人重卓哉韓昌黎先生嘗四舉一得猶忸怩矧堪矜速化罔顧俳優嗤

題柳如是小像

鳳管鸞笙白下秋臣家許築絳雲樓如何不展春風面兩道眉痕萬斛愁

祇合珠喉學鸚鶯耦耕拂水了平生無端國事煩饒舌悔損公名重妾名

李香董宛總名姝選婿爭收時世譽誰道貞姿能獨秀聲華未藉老尙書

中秋闌中望月

銀蟾飛影下瓊臺萬軸風簾倚水開今夕嫦娥眠不得桂花香裏有人來

蘭亭懷王內史

觴詠無由到洛濱  
新亭雪涕更何人  
清談一輩虛生死  
時殷  
俊右軍知其無成  
禊序中死  
恨筆千秋有鬼神  
用羲之  
流水  
鬼語  
去如前代客  
茂林藏得晉時春  
鶉花當日應曾見  
襜屐歸來誓墓身

覆車和韻

鳥道爭驅十八盤  
雷聲直走下驚湍  
始知捷徑都成險  
何事虛車不少安  
覆轍縱橫隨地有  
扶輪辛苦出山難  
前程漫說多津要  
且學泥中尺蠖蟠  
誰防瞎馬夜臨淵  
酣夢車箱枕手眠  
倏墮輪迴纒  
悟劫自隨蓬轉  
豈關天諸公臂可成  
三折當軸胸須有  
萬全便使馳驅眞就範  
丁甯還要慎先鞭

此生何苦涉危途冠蓋塵中有八嶇事到破轅甯失馬體經  
投地已非夫水深泥濁霑來易雨覆雲翻禁得無畢竟自家  
忘擇地坦平如砥是天衢

少游下澤計從今行路難於閱歷深身世鴻泥驚爪印風波  
人海悟蹶淖頓消意氣揚鞭路難替憂危戴笠心見說踏來  
平地穩有人空谷待登音是日與筠亭徒步十數里就山家憩息焉

雜感

瞥墜罡風夢不仙三生賸感佛因緣謂大興師恩深原恐才難報  
事過憑嗟命有權枉把一篇疑子固關中恩雨臺師得胡君書農卷疑爲余作大興  
師曰果爾乃名會元也遂定榜首幾聞特詔賜齊賢捫心知己夫何恨鄭重  
聲名到

九天會試後上問大興師以新貢  
士孰爲最公舉徐君直卿及余

披衣月曉寺鐘殘扶影空階一鶴寒入夢家山雲縹渺禁秋  
人意雨闌珊才非有補名何用宦且無聊隱更難悔學神仙  
王子晉吹簫未解鍊還丹

緇素模糊酒一襟半生出處費沈吟夢回天上尋何著身到  
人閒誤已深避礙聊參平等法逢時難負讀書心朝來囊筆  
趨郎署卻爲馮唐感不任

七峯別墅卽事

聯騎歸來太液濱風光閏夏近餘春時閏五月穿枝小鳥爭蠻語

入座遙山似晉人封事常稀晡食早使車取次別懷新同人  
試差時有相攜射圃蒼煙裏小試飛騰出塞身

進古北口次韻

積鐵匡門隱獸饜萬人一笑入重關到來城市猶深谷過此

峰巒當故山廢壘雨深鐙影淡大旗風定柝聲閒道旁迺卒  
停箕揭叉手逢迎喜客還

卽事

昇平潛遺去聲

至尊憂肉食無心預國謀當道豺狼偏躑躅處堂燕雀故啁  
啾兵萌紫闕長星夜妖讖黃花大地秋漫作禁中頗牧想一  
麾且自戴吾頭

遷延一役捷書聞烈火崑岡玉已焚累卵城中紛士女殃魚  
池上慘風雲穢墟天厚蒼生毒奇計人邀白戰勳時方大雪帳下

正酣歌舞伎捧觴還賀大將軍

千里齊州一面當敦煌差幸返陳湯指劉松齋都博青太原不容狂

賊赤地何堪更戰場從古詩書通將略有人巾幗冒戎裝同

袍合奮熊羆氣畫角風前翠珥揚熊夢庵觀察方荷花例之賞

孤虛形勢是通津一旅憑誰畫地垠邳北河聲吞野哭蕭南

山色黯營屯漫嗤鄭五曾元宰樞相已被閩帥之附新樞密者猶訾及

前人以爲口實試想朱三本小民偷齋盜糧憂更切周防蜚輓合先

春

孽兆中涓溯有明漳川署號並蘆城虞初一種盲詞演般若

三陽劫運成那教以真空家鄉無生父母八字爲口訣並有青陽紅陽白陽名目與禁中查出漳川居士

蘆城赤隱等書相符書詞甚俚近小說皆明季內監所編造也物到冥頑原可殺民憂茶炭

願無生始知文字多流毒愚鬼新添夜哭聲

贈楊誠村總戎芳

十載楊無敵華夷仰大名誰知戎馬上談笑一書生此日登

堂拜慈親識面驚風蘭三數筆披拂塞塵清

假歸程次有作

名氏

中朝籍舟車故國程

主恩終不薄吾道竟何成攬鏡頭將白還家夢亦清漁竿江  
海上從此悟浮生

東園晚步

季真自合稱狂客元子終當作漫流有分名山從著述何心  
宦海更沈浮南枝上月鳥三市西日頽煙貉一邱坐愛宵長  
閒論史青鐙涼入井梧秋

九月初一日晚直有紀

清時捍海資鷹揚孫恩何物能披猖曾聞養寇掣人肘一朝  
投竄

天威彰異哉承

恩新節督冥然不警前車覆下手縱橫急遞章甘心摧折元  
戎纛元戎勇鬪常輕生鯨波萬里方孤征爾曹頰顏避劇賊  
轉憑赤石燒長城一疏兩疏足疑怪

帝知爾心有織芥三疏四疏恣擊掊

帝鑒爾愚被指喉捕風捉影

四字恭木  
論旨

來信信耳聞豈若目

見真按實應須任疆吏

浙

撫贊謨初不煩樞臣矯矯中丞矢特

立奉

詔東馳星火急直從海上尋元戎戈船一見相持泣可憐元  
戎面如腊牙門家門久不入萑苻未靖罪當誅蟻蝨叢生體  
遑恤中丞拊背爲易衣飛礮開洋旗一揮節樓遙望不相見  
歸來拜表還獻欬今朝煙霧風吹去秋霽剛迴



六龍御四百里

驛遞日行四百里

到中丞函第五番來節督疏疏中

誣構尤多端逗撓恇怯兼媮安彼此匪惟相徑庭情偽那復

逃參觀傳宣

乙夜金蓮炬

親御丹毫示

天怒直教延頸需歐刀

疏批云若再挾私逞忿遇事掣肘朕必取汝首級

已見誅

心有蕭斧森嚴比例出絲綸照灼神姦禹鼎陳讒予良將精

忠岳嗟爾元兇長腳秦

疏批云朕豈受汝蠱惑以莫須有三字自失良將耶

元兇自

古遂專擅良將於今荷

寵眷再造東南保障身朝班浙士皆雷抃感頌

恩威豈有私算來鑄錯太昏迷蠲除孽障亦何幸猛省應知

賴

聖慈君不見三字獄成淪萬劫還由賊檜不逢時

由古北口至兩閒房途中口占

萬峰隱天日已晡關門匹馬爭先驅  
僣從遠隔林巒紆熊羆虎豹臥塞途  
巉巖中關開奧區四天溟色低穹廬  
煙中草樹青模胡平沙作海涵空虛  
靈潮暗挾萬怪趨水光盪白天東隅  
羣山如龍月如珠左擎右攬爭須臾  
一丸倏忽跳雲衢明崖暗谷皆冰壺  
寒淒萬景砭栗膚露光和月毛髮濡  
仰面數星墮白榆諸籟幽闐石竅噓  
偶落欬唾千聲俱山山對面相叫呼  
精靈遊戲來清都道旁老魅能挪揄  
青林狐火出朽株馬蹄躑躅不敢踰  
清景怖人怪且吁驛程旒旆紛火荼  
前後萬騎中忽孤愈孤愈勝憑誰摹  
大荒山徑柏翳圖燕雲回首一夢遽  
此身所在人境無

喀爾喀貢白海青同趙謙士太僕

秉冲作

天產呈東海

皇靈被北極狼荒冬獻贄

鳳闕遠通皮名屬調鷹使形參振鷺篇灤河盤雪月遼塞閱  
山川影姿懸空磧聲高接素煙羽中曾號虎巢下肯同鷲金  
距雙筵豔瑤光一顆圓氣凌青漢路瑞應

紫渺天自昔珍羣富諸蕃物貢先元都華屋建上陌錦鞬拴  
何意鐵驢種翻借茵鶴傳黃眸青翅外花袖彩籠邊

溫室栖鸞日炎方玃雉年稜稜毛角異肅肅羽儀鮮伏莽餘  
狐兔毆叢混雀鷗雄才資搏擊藻質振聯翩白鳥儕文囿蒼  
鷺落楚川

時聞湖北大捷

飛應占集泮供及肄蒐田燕候來何畏

東海

青畏 燕子 鴻臚序不愆

朝春

閩闔啟王享徧瀛壖

由開山至晏城驢背口占

曉月醒殘夢驢鞍睡味添作波溝水小著色野花廉雲物供  
詩版林陰閣帽檐征人與村父入畫一身兼

吳上知

字曉園奉化人嘉慶乙丑進工

弔項義婦

義婦者戴毅直公從弟德祐之妻也毅直捐軀德祐亦從死項氏家居聞變急匿遺孤并

焚譜牒到官後榜掠酷毒卒勿顧嗚呼巾幗中弱女子即合為妻者能殉其夫亦已烈矣而况倉卒籌變挺身受訊雖被極刑而執語不二遂免夷族之慘則一人保全之功不綦大耶

銀鐙擲地獄吏怒牛頭呵旁吁可怖萬死終存戴氏孤程嬰  
杵臼屬荆布奇冤盆覆難呼天誅夷赤族籌瓦全襁負潛藏  
姓名變譜牒焚爇淒寒煙株連刑訊及女子尾青對簿鼃聲

紫遣孽嚴按法網張緘口無言聽箠笞引頸就刃泣鬼神護  
持嫡脈含酸辛菘菘抱根苦心拔詎徒霜雪凌松筠天驚石  
破子規叫勝算老謀九泉笑一綫絲延宗祀存幸草生餘原  
火燎居然巾幗超前賢璧完私室心何堅茫茫家國無窮恨  
地下相逢倍泫然

范

澍字今雨會稽人寄籍龍州嘉慶乙丑進士箸待焚草

彭邦疇序畧今雨之詩至情流露獨抒性靈能以古文爲古體自是天地間一種文字

方廷朗曰今雨先生以名進士出宰高邑有善政旣而爭害馬事被劾去官遠謫塞外未幾成回僑居保定愛才若命猶是治高時也

題左忠毅公遺印拓本爲吳康甫二尹作

我昔宰高邑曾覓趙公三尺如意鐵君今官武林乃獲左公

一紙石印名二十六字字字炳丹青

上下左右前後六面分刻二十六字左光斗印

月光大斗丁未大魁古道直  
氏抗疏傳經紫微大微閒人  
摩挲不盡呼欲出宛然如見紫

微太微之閒人嗚呼有明十有二人謚忠毅前列張曾高德

勝曾鳳後列劉成衛劉熙祚成或盡節或被害國是令人徒

慷慨獨熹宗年趙李二周與公死節尤堪憐趙南星李應昇

斗左光趙有鐵兮左有石其他豈無一二手澤同流傳願君從

此再搜采神物護持將有待且請釀千錢酌百斛痛飲高歌

為公哭年年設位西湖濱毋忘七月二十六

汪繼培字厚叔輝祖子蕭山人嘉慶乙丑進士官吏部主事

### 訓子四箴

奕奕斯堂世德流馨傳紀頌賦歌贊箴銘乞言卅載稽拜涕  
零前芬是誦後嗣之型猗歟我祖陟降在庭繩繩勿替敬妥

先靈敬先

貽孫有穀書為良田稽古有獲是謂豐年可以永世可以樂天儲藏匪易賣文之錢來無不義書難求全勿散勿褻庶永

吾傳藏書

吉士守身嚴於處女遠嫌慎微動循規矩青蠅玷圭辱不在

鉅甯介毋隨勿狂與腐小人所譏君子所取徇物者愚人貴

自樹身守

克振家聲務本為大姻莫繫援交毋向背勿吝而鄙勿夸而

泰重學尊師守常遠怪御下宜寬睦鄰須耐要言不煩此其

大概治家

由靈隱至韜光

明湖西去古禪林款款藍輿度曲岑門擁白雲分樹色泉穿

寒澗落峯陰佛前幡影隨風轉山外鐘聲到晚沈為滌凡襟

閒憩息不妨猿鶴伴長吟

磴道盤空客到稀  
偶攜吟策款僧扉  
板橋人迹尋黃葉  
老屋經聲出翠微  
海日江湖都入眼  
藤梢花刺欲牽衣  
採幽獨領登高興  
坐對斜暉未肯歸

王安瀾

原名埔字小獻仁  
和副貢官通判

郭河陽雪山行旅圖屠潛園太守屬題

墨雲如陣風如箭  
驚起玉龍來酣戰  
千山萬山鱗甲摧  
散作雪花飛片片  
飛鳥絕迹飢猿愁  
行人如蟻走一綫  
販夫負擔車轉輪  
前者不于後逡巡  
橐駝蹶重沒兩耳  
凍臥溪橋鞭不起  
天寒野店酒力薄  
敝裘壓肩如潑水  
過客下馬面深紫  
瑟縮鑪邊墮手指  
途窮日暮天昏黃  
津吏散衙鼓聲死  
穿林越巘見孤城  
燈火星星開夜市  
吁嗟乎人生自古  
行路難況復



風雪年將殘披圖三復堪銷暑我亦當時苦行旅

周銘鼎初名鼎宇維九號梅生山陰優貢著響山樓詩集

周敬熙曰從伯博覽羣書淹通經史及長怡情詩酒不樂仕進遨遊大江南北間陳方伯繼昌屢聘之不就  
謁倪涵初先生祠有序

府縣志及祠記僅稱先生精於醫積錢濟貧乏又訪李二曲先生而不言其受業葢山今據余公懋杞東武山房文集並采述舊聞作此詩以補之

中郎亭後村先生古之彥成醫臂九折騰理能洞見瘡痍諸方未足奇景岳類經探討徧手活生靈千百人囊中積錢十萬貫散財仍復振貧民不飢不寒不病乃所願詎知先生少歲慕儒宗與張子宏同里閉擔簦共侍葢山席耳聞慎獨心無倦仰翁道派繼濂洛遙遙不絕真如綫先生嘗語人曰葢山之學濂洛嫡派

也終身學問此根本醫門乃有儒門選我謁先生祠儼觀莊

惠面先生卒時學者謚曰莊惠諸書均未之及聞風痼疾漸消除鄙吝浮囂俗一

變子劉子後聖人徒名姓漫登方技傳

姜安字純甫號怡亭錢塘歲貢著怡園詩集

李溪序略怡亭性分峻潔名理既深文仿柳歐工填詞嗜金石其詩頗有邁爽之氣截句神似漁洋為王少司寇昶阮宮保

元所最賞

南宋宮詞

殿開澄碧似仙都宛轉橋通柳浪紆夜雨新添御溝水連筒

分注小西湖

白蓮花放晚風涼月夜徵歌香遠堂纖手玉笙同一色小劉

妃學道家裝

王振綱字飭三號尺魚錢塘諸生

訪清平山諸子不值

鐘聲吹落拂塵庵  
桐帽椽鞵我獨探  
圖畫近來添主客  
詩歌聞已滿東南  
春禽喚雨衝煙柳  
石磴橫雲隱暮嵐  
野鶴故應無定所  
出門留語寄瞿曇

和十二齡童子屠絳題畫二絕句

涼風昨日卸羅衣  
帶溼雲猶暗遠溪  
待得雨晴秋又暮  
鷓鴣嘯老鵝鳩嘯

遠水平林靄暮煙  
分明小景寫南田  
我來欲乞寅哥筆  
畫我尋詩夕照邊

周鳳章

字雪吟錢塘諸生  
箸懶仙自定詩集

楊振鐸曰雪吟一字雪君以名諸  
生出佐幕府歷游楚粵者數十年

孫石泉招游蓮花峰謁文信國祠同游者裴仁山史漱

芳胡畫堂陳書橋顧健吾

天風捲浪喧金鼓大魚跳波瘦蛟舞阿誰砥柱障狂瀾一朵  
蓮花開萬古當年信國誓勤王隻手擎天竟何補駐馬坡前  
望帝舟丹心誰識孤臣苦我來釃酒奠忠魂此是趙家乾淨  
土拍闌一嘯海天寒榕葉蕭蕭戰秋雨

登六和塔

目極去帆遙身隨飛鳥舉日落大江寒風吹塔鈴語

江

青

原名步青字雲甫號聽香  
錢塘諸生著棗花館詩草

杭郡詩續輯聽香性和而直人咸樂與之交少日詠紅  
豆詩為時傳誦李西齋嘗目為江紅豆又工書尤擅細  
楷人爭乞之

國山碑亭用吳槎客讀國碑歌韻為趙明府北嵐作

祝陵胡蠅魂可招碧鮮庵與離墨高董山國山相肘腋上洞

下洞分頭尻游子來游心骨戰仙鼠妖狐竄朝晏天開一石  
立作門地劃五湖淨如練黃旗青蓋誰氏子不識強鄰有封  
豕青猊白鹿獻符瑞甘露嘉禾驗圖史豐碑上記天冊年改  
元大赦皆誣天爲朝爲處遠莫證如罔如鼓形或然頌神詛  
楚此其匹特訝愚臣敢提筆神魚輒入渡河舟靈女自彈湘  
水瑟敲火礪角剝落多有客見之驚蹉跎箸錄金石歐老外  
搜索岫嶼昌黎過天發碑燒此物老蓋覆深檐肯草草要知  
天下祥不祥先問其時道無道蜻蛉小舟坐若艫摩抄絕壁  
斜陽紅碑陰容我題數字奇偉看跳天門龍

陸應宿

字崑圃號小雲錢塘諸生箸薇雲詩集

岳祠銅爵歌

併序

忠武王孫珂於嘉泰四年鑄奉祀忠武祭器宋亾悉

埋土中明萬厯開始得自諸暨山中歸奉金陀坊家  
廟是爵蓋祭器之一明末又失去今爲桐鄉金少權  
所得將訪珂後而歸之

不能痛飲黃龍府賸有酒澆一杯土當年銅爵至今存直並  
丹心照千古首山之質精且堅土花漬處痕猶鮮耳旁款識  
岳珂造涅背四字中央鐫伊昔思陵忘國恥甘心壤汝長城  
倚銀瓶女與鐵錐郎獄成三字同時死孝宗朝始恤忠魂王  
爵追封祀典尊高冢祈連方改築四時奠酌有文孫無何南  
宋金甌缺祭器沈淪爵其一前明訪得供家祠散亾又遇滄  
桑易金君收弄幾多時神物由來有護持未與銀杯同羽化  
早看鐵像暴姦背金陀待覓王孫徧此爵重教列享獻返璧  
奚殊趙氏觥

明趙文毅公兕觥

傳家更勝錢王券吁嗟乎我持銅爵

更沈吟千秋俎豆傷王心六陵幾樹冬青在玉椀于今何處尋

俞士槐

字沛川號尊香錢塘諸生著自怡悅齋正續稿

丁酉日曹香詩正稿為其友郝青門蓮附刊于說餅齋集後續稿則其弟子孫世涇為之付梓

冷泉亭聽泉同沈菊人鈞作

炎囂飛不到亭下豁煩襟視此一泓水共君千載心山風添竹韻夜雨和龍吟大有蒙莊意鐘聲破夕陰

酌酒

酌酒與君君少留醉鄉勦業勝封侯伯仁只有三日醒太白欲銷萬古愁愛月榻移山北向聽泉心共水東流不妨酌酌臥巖下笑煞溪頭雙白鷗

暮春感懷

春光過眼太怱怱又見田家賽社公人在海棠香霧裏夢回  
鷓鴣雨聲中不多杯酒吟情減能幾番紅花事空桑葉尖新  
蠶上箔依然草率負東風

馬振裕

字停圃號玉岑錢塘諸生

杭郡詩三輯玉岑工八法家極寒不脣脣因人熱也

宋理宗玉押

臨軒命將更敕相以押代璽制獨勦穆陵千載手澤遺胡盧  
一角空依樣前後相傳十五押篆畫不同同意匠卻思杯酒  
釋兵權權歸一尊誰敢抗半壁偏安重和議侂冑旣除彌遠  
相濟邸無辜矯詔誅此押所僉毋乃妄端平幸復崇大儒周  
程張朱示風尙從祀一詔下明堂局則偏安氣猶壯奈何將  
相委似道傳國璽同此押喪朔風吹斷五朵雲白塔亭亭荒



隴上

陳世榮

字季竹仁  
和諸生

杭郡詩三輯季竹為二酉先生從孫少與程拜五  
屠修伯讀書靈隱之白兩庵嘗入汪氏東軒吟社

庚寅重七日陳訥庵來泰

招集紫陽山館分韻

白雲四合護柴關嵐得新秋一味閒幾處穿鍼方待月此來

把酒共看山高朋座上清談洽落葉聲中暑氣刪向晚銀河

忽傾瀉對牀聽雨不須還

湯禮祥

字典三號點山仁和諸生  
著樓飲草堂詩鈔六卷

府志禮祥為右曾孫好學能治古文辭為盧文弨顧光  
秦瀛所賞其詩守右曾家法一以唐人為標準又不欲

襲廓落於張之語汨沒性靈  
故其佳絕處于韋柳為尤近

吳錫麒序略吾友點山能守其西厓少宰家法其詩專  
主于清陳雲伯贈詩所謂一

是也

卷懷清集寒吟屢鷓鴣燈者

阮元曰點山雉子文而僅效職于縣尉人或惜之余曰  
唐縣尉以詩傳者多矣宰相世系表中豈皆以詩為家  
法者哉

蒲褐山房詩話典三自言懷清堂集宗派能守不墜然

少宰清幽秀雅出入漁洋縣津而典三詩頗有奇氣未  
必不厭家雞

而喜野鷺也  
緝雅堂詩話初尚書彭齡題點山詩云清才竟如許作  
尉亦神仙栖飲詩人當之無媿余觀其懷舊十五首感

逝之旨不  
滅曹墟

葉縣丞殉節詩 并序

丞名槐字蔭階錢塘人父文麟官陝西漢陰通判有  
政聲時逆匪竄入秦中丞聞警往省親遂投効軍營  
大吏奇其才委任焉嘗守雞頭關關內以安援西鄉  
城固及洋縣皆有功大破賊於虢乘勝入孝義川又  
破之賊皆憚其名屢建戰功不得志乃入資為縣丞

投効如初一日奉檄守漢江道經手攀崖猝遇賊力  
戰不勝死之年僅三十九時嘉慶四年十二月二十  
七日也事聞贈雲騎尉世職入祀昭忠祠

予祭葬丞爲余姊之夫余女又字其長子養福其死也予旣  
爲之狀矣意有未盡復作是詩

吾黨有奇士意氣無等倫十三學書劔十四能綴文班超願  
投筆壯志不得伸有父爲循吏垂老在三秦秦中方苦戰山  
谷連妖氛君辭舊鄉里入關省嚴親省親復何爲應募赴轅  
門主帥動顏色相見如上賓偏師當雄關辟易千人軍長驅  
入虎穴威聲震四鄰歸來獻俘虜殺賊不殺民一朝漢江上  
賊騎如雲屯奉檄度懸崖猝遇豺狼羣黃沙捲地起白日爲  
之昏揮刀斫堅陣不辨馬與人徒侶盡死傷罵賊氣益振始

知壯士節就義非輕身身死賊亦退崖石留精魂上官奏

天子

天子褒功勳忠義盡如此小醜何足云

飢民船

并序

泰州水災飄沒廬舍飢民以船爲家往來大水中見  
而悲之遂作此篇

飢民船何連連船頭乞食船尾眠自從六月遭大水性命孤  
懸一船裹船有時而南船有時而北有時中流風怒號大船  
小船行不得行不得泊何許後村已過前村遙浪花如雪淚  
如雨淚如雨無時休安得黃河之水不向東南流

振廠行

并序

兩淮磋商輸粟振飢泰州兩廠日給十萬餘人余奉

檄來州因作振廠行

東方未明門大開飢民如潮入廠來婦人在右男在左左右有門門有鎖商人約束居上頭人滿門啟給以籌持籌易粟出門去淒淒切切篷中住篷中住愁雨雪林暗風悲泣幽咽沉聞冰凍飢民船船中不少凍死骨安得一冬無苦寒飢民勿悲行路難

壽先生歌

并序

先生諱同春諸暨人佐臺灣淡水郡丞程峻幕丙午冬林賊亂郡丞死之竹塹城陷先生糾義民克復之明年十二月官軍進發遂駐烏牛欄初十日進逼賊巢賊懼設伏以出義民潰先生馬蹶被獲罵賊不屈死時年七十二

布衣之勇不可敵七十老翁來殺賊躍馬大呼壯士趨義氣  
一激吞澎湖狼豕猙獰忽奔突軍聲不動鼓聲咽血光射海  
海水紅狂氛惡霧迷西東馬蹶一蹶落虎口怒罵羣凶爾莫  
走十萬官軍在爾後殲爾凶殘傳爾首是時月黑羣鬼號賊  
兵林立揮長刀須臾見刀不見人可憐萬刃攢一身嗚呼幕  
府之客有如此布衣不媿真男子

清豐賢宰篇

并序

吾師顧涑園太守曾宰清豐有惠政今且五十年矣  
戊午十一月其邑中父老禮天竺大士至杭闔公里  
居無恙相率三十餘人登堂羅拜而去余目睹其事  
作清豐賢宰篇

山雞愛毛羽志士重修名況乃爲民牧毀譽尤易成清豐有

賢宰吾鄉推耆英憶昔漳衛水一決連魏城哀哉城下骨尙  
帶蛟龍腥振恤招流亾零丁復零丁三上河渠書議格終不  
行紀災淚盈紙鴻雁同哀鳴

公有勸災吟四章詞甚淒楚

距今五十載父

老來西陵自言清豐民我曹皆侯生侯今喜健在侯昔何賢  
能中有年少子傳聞自父兄今幸睹侯面恨未竹馬迎或長  
跽頂禮或稽首階庭或起爇鑪香或笑或涕零何以獻我侯  
紫棗雜黃橙何以頌我侯壽考而康甯我公前致辭小惠何  
足稱無端念衰朽而我媿益增願而爲良民願不負太平手  
摩父老頂歡愛如孩嬰出門尙回顧觀者填柴荆允矣古遺  
愛亦足念民情民情有如此願其惜賢聲

粥裘行

并序

宋茗香助教以衣施寒者後不能繼乃粥裘余高其

義作此詩也

朝解衣暮解衣三朝三暮復何有但見眼前颯颯西風吹西  
風吹骨欲折葛帔練裙踏冰雪翁將何計回陽春粥裘不顧  
妻孥曠黃絛大布任攜取直視眾身同一身我對粥裘翁重  
憶披裘客千金買裘都不惜卻贈歌童五陵陌道傍冷眼空  
歎呼白公大裘今已無嗚呼白公大裘今豈無願君此心終  
不渝

徐

鈇字彥常號西澗仁和

杭郡詩續輯西澗善畫  
山水非角時便有懸悟  
路守管序路彥常游青湖朱先生之門  
與陳曼生屠琴鳴相友善詩畫皆精絕

靈隱借秋閣觀貝葉經

吾聞西域書三藏十二部率皆支那本梵夾未曾睹偶尋山



僧來高閣坐逃暑云有貝葉經藏弄歷年所茶餘出示客几  
淨還拂塵香吐梅檀函濯手許摩撫尊如啟著積葉葉帖然  
貯四十有餘翻中通貫綦組長逾桐葉圭闕倍箭筈羽微黃  
隱碧色細脈繞金縷堅韌勝雲箋滑笏比玉楮竹映若新采  
風來恐輕舉其字雜半滿其體殊媚嫵紆餘鳥迹聯屈曲蠶  
腳聚非篆亦非籀有啄復有努纖濃得三昧訣法受諸祖墨  
鍊雞足煤光明乃如許恍疑用竹挺點漆學上古想見碧眼  
僧力寫亦良苦腕底閒青蓮人天爲眉舞此經延平時萬里  
進中土無煩白馬馱甯懼毒龍取流傳免塵劫完好在佛宇  
惜無姚興師譯此祕密語諦觀字茫然但以手畫肚三點尙  
識伊一勺竟非与欲明菩提旨難誦釋迦譜且復倚高窗雲  
陰待涼雨

題李潛夫先生遺像

龍湫高蹈白雲層，老眼曾經閱廢興。志見易名占介石，先生原名

天德後改名維貧甘忍餓抱清冰。年年春墮聞鶉淚，夜夜風搖織屨

鏡。海曲于今遺像在，卻憐孤瘦比寒僧。

龍井一片雲石歌

深山古井神龍宅，龍過蓬萊雲五色。攫得青雲一片歸，擲向巖前化爲石。玲瓏瘦碧雷斧雕，至今屹立神自超。望之鬚如輕綃，勢將一躍千層霄。雲頭欲起雲腳牢，依然閣在青林梢。停雲不動行雲聚，雲去雲來作雲主。

夏日登弢光庵遇雨

獨上清涼地，經樓梵唱停。竹風緣澗響，江雨到山青。池想金蓮湧，泉留石室聽。坐深幽鳥散，霽色滿雲屏。

孫顯元

字華海傳曾子仁和諸生著異撰齋稿

杭郡詩續輯華海與弟邵庵熙元天性孝友薄浮榮樂恬靜華海尤精鑒別所蓄書畫甚富病劇時猶令人展

於枕上玩之可謂篤嗜矣

歲除日雪中小米招同湖上探梅

尋梅有約醉湖濱此日光陰倍足珍  
黯淡雲山都入畫荒寒亭館更無人  
空將溼雪留殘臘可有疎花漏早春  
記取茲游最清絕吾曹難得是閒身

人日雪中簡余慈柏胡書農許青士屠琴鳴章次白

臆網簾紋特地明夢回錯道是春晴  
纔過元日忽人日初斷雨聲聞雪聲  
新歲得閒殊不惡梅花于我最多情  
諸君笠屐能來否古鼎添香句共賡

張

璉

字成周號琴齋仁和諸生著琴齋詩草

杭郡詩三輯琴齋枕經藉書日刺九經閱  
之扶其疑義暇則吟哦不輟書法亦工

范明王廟神絃景解春集以神為齊中散大夫范公子

元諱述曾錢塘人示夢辨誣抑何靈異  
謹次其事成神絃一章備賽社歌之

杭城東梅橋北闢靈祠奉牲玉里巫趨禱且祝赫神明誣邦  
族夢可通神來告神之生性謇諤黜秉直綽不欲齊建武為  
民牧守永嘉政清淑格豚魚靖山谷二百戶編籍屬帝下詔  
增秩祿循吏傳名臣錄報政歸樂休沐朝局更俄轉轂爵不  
受義不辱逸民逸逐臣逐此故居懸罄屋沒為神里黨福坐  
堂皇迎瞻矚白髭鬚冕旒服非希文毋溷瀆悚然聞瞿然覺  
告里民弗疑卜神之來肯我穀酌寒泉薦秋菊神之歸通物  
穆歌既舞樂民樂神德歆頌聲作

徐本義字申之號蒲圃仁利

諸生箬申椒詩草

丁丙曰薊圃古文學歐曾詩宗盛唐書得顏魯公  
法性情耿介泊然居貧年五十餘卒無子詩佚

題畫

偶來獨坐無人伴  
紗帽文茵白石邊  
閒向春山彈一曲  
桃花如雨點琴絃

白蓮

我家西子湖邊住  
無數花開玉井蓮  
鷓夢未醒涼月曉  
香風吹到水門前

秋思

洞庭葉初下  
江皋秋已涼  
美人隔湘浦  
離緒勝清商  
鷓鴣中夜鳴  
百草為不芳  
遲暮一以屆  
感物情彌長

何

廉

字清孫其孫震伯子仁和諸生

歐陽文忠公生日同人先期集湖上設祀遇雨

綠水灣環路疑絕孤巒突兀當前立排空老樹秋蕭蕭好風  
捲入涼天碧波光雲影共徘徊高堂四面紗牕開牕開四面  
翠黛列南徐倒插琉璃杯當年此地寄芳躅列坐賓朋啟華  
燭傳觴取得萬荷花花影搖紅舞衫綠筦絃歇絕不可尋文  
章太守傳高吟一樽風月等閒度樂其所樂無古今況有坡  
公作詩友漁洋老人亦其偶清風朗月許同買高唱入雲吐  
星斗至今提唱疇稱賢前有南豐後鄭虔賓谷中丞年例爲  
公介壽賦詩稱盛  
今夢白都轉亦于是長歌錯落振金石使君丰度何翩翩我  
日集同人致祭于此亦登高祝公壽衣冠肅拜仰堂構公自千秋風雅宗文章併  
入溪山秀溪山變態不可名忽然雲合平山平山雨欲來樹  
梢重涼蟬作勢成秋聲一時雨意更泱泱波心幾個划雙槳  
雙槳欲行不得力停舟把酒挹高爽酒酣不覺雨漸收澄懷

浩蕩盟沙鷗回頭山色轉空翠何處簫聲人倚樓

徐光綺 字縹波仁和人著詩菊仙館吟藁二卷

吳清鵬序略縹波外敦古風內篤修行詩筆超忽詞旨清華

金衙莊

此間結構好林塘花氣隨風盡日香密竹亂圍樓外面平橋  
低跨水中央茜紗榻子青紗幔卍字闌干亞字牆比似仙園

眞福地遊蹤笑我等漁郎

許鎔 字鶴田海甯諸生著干一堂詩存

海昌備志鎔嘗隱居北郭以經學教授一時英俊多及門者

自序略鎔家世業農祖父以來貧不能延師每課子弟以讀兼耕憶七八歲時先君子授以四子講義輒領解年十五始從一峯沈夫子學為時文間涉韻語繼復從前山張夫子時前山夫子以詩古文教授一方列門牆者甚眾願獨許鎔為後起之秀厥後二師相繼逝僅與同社諸子分箋酬唱然生性疎傲與到偶成或即散棄

謂士人無所樹立徒務此雕蟲小技雖或能工將不若  
揚子雲元草之覆瓿矣荏苒數十年屢蹶場屋意氣衰  
顛無復有遠大志偶搜故篋尚存古今體詩若干首爰  
鈔此冊一以誌友朋集益之由一以寓身世多艱之感  
至詩之工拙所不計也

胡忠簡公遺像硯歌爲呂幼心司馬作

紅羊劫換雁飛渡一百九年亾掌故遺硯欣瞻吏部髯不逐  
風塵委道路描工蘭葉馬和之摩勒須眉標雅度公昔簪毫  
侍玉堂墨池浪躍蒼龍赴敵來詔諭小朝廷和議忍聽長腳  
誤憤激書偕忠定陳墨花光挾劍光露屬稿雖由范左司主  
謀應出公之素計恐良朋禍及親批鱗獨犯老秦怒默厲孤  
忠石共盟偏安錯計鐵難鑄名殊御押中興鑄價重諫章北  
敵募公書挺勁宛如人封事後邀嗣主顧特命妙手補裝新  
淨洗姦臣批抹汗此才如贊岳韓軍盾鼻磨丸書露布兩河



關陝恢舊疆宸章不負車攻賦奈何橐匣去衡州鸚眼淚猶  
 含瘴霧片石流傳七百年精光炯炯神呵護況逢嗜古呂東  
 萊拂拭儲銘增景慕憶經官柳親捧硯春華攜豔香添炷著  
 庭願學有邦人空院柴市艱危屢持比當時玉帶生羨君尙  
 際隆平遇

祝

琳字熙齋海甯諸生著熙齋詩鈔

馬用俊跋略熙齋自幼聰穎弱冠見知學使新城陳公  
 命肄業紫陽書院學益進親沒哀毀成疾常養病余家  
 小園晨夕間議論文兼詣風雅上溯淵源窮其旨趣  
 至病革而歸別兩日竟沒余閱熙齋之詩展卷涕零而  
 廢者屢越一年始定其稿以問世

龍靈石歌為查清華人洪賦

何年擘開青玉峽飛出白龍游空碧天風泠泠忽吹墮化作  
 離奇一片石巍然卓立老山巔天矯不受神笞鞭袍笏曾下

米顛拜圖畫應情僧繇傳三百年來困荆棘荒煙滿徑蒼苔  
蝕爪牙盤拏渾欲飛土花剝落無人識查君磊落洵不羈一  
朝輦致羅階墀奇材不使老邱壑應有神靈呵護之空堂雨  
過晝冥冥淋漓流出龍涎腥風來恍疑鱗甲動雲開時露之  
而形願君拂拭永珍寶世閒解愛真龍少安得初平叱石術  
驅使耕煙種瑤草不然行雨輔彼蒼調和玉燭燮陰陽一旦  
破壁踏空去龍乎龍乎任爾雲中變化參翺翔

秋日晚步

寥闊天容淨登臨意自閒黃花媚晚節紅葉醉秋山賓雁一  
聲過江村四面環更憐幽徑曲與客叩禪關

許

田

字文漁海甯諸生

郭麐曰文漁遷居梅里與馬小眉馮柳東諸君迭倡更和相得也其題柳東萍迹圖詩柳東極賞其神韻

爲余誦之又曰昨過梅里又見文漁近作多可喜者春  
雨云載酒又虛三徑約惜花愁共一宵長春煙云半簾  
香氣無風院十里湖光欲雨天大觀壘和小  
眉云潮急西風吹水立秋深北雁破雲來

題馮柳東登府潞河萍迹圖卽送其入都

西沽直北是長安雲白山青任飽看檢點征衫須細意杏花  
時節尙春寒

查世官

字南廬海  
甯諸生

吳衡照曰南廬爲人慷慨仗義工書善弈其詩沈雄秀  
宕天分絕高不作僻深鼓仄之體不染淺膚庸濶之習  
遺藁若干卷某明府藏之待梓余從春園手鈔本借錄  
聽鄰家之笛猶且聲吞經墓道之車輒爲腹痛況茲展  
校能不潸然而春園與某明  
府捲捲故人之意弗可及已

秋日雜感和祝簡齋

槐雨梧風夜奈何秋聲燕市答高歌舊游湖海襟期少失路  
文章感慨多旅雁驚心飛木葉涼蟾窺客下銀河對牀且喜

聯吟侶絕勝元亭載酒過

棗花寺

西風吹客出高城一角西山放曉晴  
落木寺門天遠大荒郊  
秋雨水縱橫野花當戶有寒意  
老檜嘯空如梵聲初地安心  
猶未得夜深孤月上方明

明僖宗小鐵斧歌

吳剛玉斧修寒月露腳斜飛涇蟾窟星精小  
謫到深宮化作  
寒光一片鐵宮中聖人衣裳垂大鈞  
洪運歸鑪錘蕤寶未鑄  
千秋鑑魯削先教一手麾鏤金錯采盤  
龍繞內殿傳觀新樣  
小玉靶斜含五寸芒篆文細認三年造  
當時劈正少臨軒斧  
展趨朝盡列仙鑛使仍兼將作監生祠  
濫用水衡錢茄花委  
鬼盈朝野縱有斧柯誰肯假長戈不復奮  
魯陽雄劍空思躍

歐冶卻看巧製出神工未擬揚州百鍊銅太阿之柄已倒執  
六州鑄錯將毋同由來貴德不貴藝斧藻應知重神器問誰  
端正入朝來我愛趙公鐵如意

金

綸字修之號藥夫嘉興諸生著養病集

馮登府序略藥夫好讀書家藏書數千卷與其弟秋厓手自校讐至毫不紊不衰視人世榮悴無足以嬰其胸者

南湖阻風

鷺水明如鏡風雲變態中寒煙生隔浦荻葉亂孤篷繞郭湖  
光白沿流塔火紅扁舟棲泊處蓬島想裴公

客中九日懷王秋坪兼寄吳鳴岡山居

每逢佳節惜流年客舍蓬窗倍黯然秋雨幾重黃葉路寒砧  
一片曉霜天依人白髮悲王粲挽鹿青山憶鮑宣我欲登高  
回落照難憑蛛網一絲牽

金

璋字聘侯號秋崖嘉興諸生著春草堂集

李富孫序晤先生少孤力學讀書春草堂有遺帙數千卷與其兄藥夫先生風雨對牀聯吟賦詠極損簾之樂其詩和平溫厚深得風人之旨

送人之荆楚

湘水日東流送君萬里遊鐘鳴黃葉寺月上古城樓別館終宵夢揚帆一片秋音塵從此隔去去是孤舟

宿山寺

秋深紅樹晚蕭蕭古寺無人轉寂寥夜半松門聞犬吠僧攜

涼月上溪橋

蔣

浩字充之號華隱嘉興諸生著思無邪齋詩鈔八卷

府志浩性冲淡詩宗唐賢樂府尤駉駉入古畫工山水人物尤擅松石巨障老嫗詩有序

五言古詩集卷之三  
三  
六十一  
嫗孫氏女家人張大成妻少寡撫孤八十餘年如一  
日詩以表其節也

龍鍾老病嫗面痕皺百摺摸索非竈閒識我先人業小心入  
門來五代侍出入少寡無貳心老淚眼眨眨兒頑背主恩恨  
以十指搯雞狗不敢罵事事皆妥貼報主義無虧報夫節以  
立肫誠有至情愚賤正難及

村口

村口多紅樹門前遶水田尋花雙屐雨薙草一蓑煙雜黍欣  
留客桑麻不計年自攜幽興往錯認武陵船

九日效陶

閒居愛重九林下秋已深皓露泣幽草頽波淡夕陰沿溪采  
叢菊華月升煙澗稚子牽衣歸有酒喜頻斟山妻具宵爨芋

栗充釜鬻一飽茅檐下殊適平生心

刈麥行

麥未成礪已鍛大姑添外孫小姑要打麩阿耶阿孃齒動搖  
商量蒸餅要蒸爛持鑿刈麥麥稿枯餓殺西畦種麥烏小姑  
去邀大姑伴阿孃空手送孫返脫卻釘釘雙耳環借與阿耶  
作田本

憶曹種水邗上

一夕停杯花事殘故人遙憶渡江干蘭陵酒醒鄉愁迴瓜步  
潮生客夢寒淮海雲山風雨隔江湖貧賤別離難定知刻骨  
文章在早晚西牕翦燭看

方

字從伊號星厓秀水  
人著卜硯齋詩集

沈璟序路星厓詩藪酒閒散自出機杼結社  
于鶯脰湖分韻角勝遠近翕然以能詩推之



題停琴佇月圖

危峯入雲漢飛泉落松頂日暮人迹稀  
定中自生靜攜琴就苔磯  
翛然塵慮屏水清心目曠  
露重衣裳冷闕寂琴上絃寒  
月吐東嶺

朱蓮燭

字企東嘉善諸生  
箸樓僻園詩鈔

陳紹熊序略先生性耽吟詠晚年拓地舍傍時與同人  
唱酬其中兼好遊山水足跡所至必有題詠皆抒寫性  
靈不以雕琢爲工

舟次維揚游平山堂

敢云落魄逐紅塵夢覺煙花迹已陳  
廿四橋頭尋酒社十三樓畔訪詩人  
聽簫客去餘明月修禊歌殘又暮春  
十里平山堂下路阿誰杜牧是前身

野望

一望郊原闊平橋遠寺通豆畦餘薄雪稻隴捲殘風數點鴉  
翻墨千林葉墮紅柴門迎日倚瑟縮笑衰翁

高亮采

字宜圃海鹽增  
生箸寄閒詩鈔

縣志亮采博通經史工詩  
詞與兄亮功有二難之稱

餞花詞

莫嫌多事是春風喜得相逢歲歲同唱到陽關聲第四倩君

重為舞殘紅

朱

恆

字春樹海鹽諸  
生箸答閒吟稿

縣志恆志行高潔世居甘泉鄉蒔卉疏泉嘯歌自適邑  
之名勝古蹟舊典遺文罔不討究詠武原竹枝詞百首  
亦風詩之遺意也

武原竹枝詞

錄六

寄奴城外柳如絲寄奴城中月似眉莫負三春好時節東風

吹送竹枝詞

白鶴歸來響徹空客尋山下主人翁與君一醉壺觴處不管

芙蓉幾里紅

馮昇謨謝粵中事歸里築園于管山曲水環流  
栽芙蓉揉柏為亭名曰壺觴處遂自稱白

鶴園主人云

西林蘭若倩雲封一枕花香客睡濃夜靜竹西僧入定朔風

徐送五更鐘

天甯寺西房下院當湖  
陸太守題為西林蘭若

解組歸田久閉關亂峯雜逖杜家灣雲濤萬疊松陰轉應有

山人跨鶴還

孫太白與許九杞善嘗蓄一鶴九杞為買鶴田  
歲輸糧於萬峯深處按田在九杞山下舊名

杜家灣山上有雲  
濤莊為黃門別業

蒼苔冷處鎖寒煙風送芳菲屬暮天歌罷下山人不見青林

月上未曾眠

顧況下山歌曰夕春風芳菲兮欲  
歇又橫山故居詩月上青林人未眠

青青柳色映孤城惹得劉郎無限情細雨空濛官舍冷曉來

花底聽鶯聲

唐劉長卿半鹽色有柳色孤城裏鶯聲細雨中句

顧

修

字仲歐號松泉又號菜厓石門諸生著菜厓詩鈔松泉詠物詩百疊蘇韻詩

石灘山房詩話菜厓舊居橫山遷桐鄉之烏戌家素封愛友朋如性命尤嗜祕笈目鑿手鈔無虛日所刻讀畫齋叢書與知不足齋詩嘗繪行看子二十二幅徧徵題句刊成四帙又著疊韻詩用東坡游張山人園韻多至三百餘篇凡登臨念舊感物懷人之作無不備具於中論者比之金蘭譜也

山居讀書

空山長把卷一榻淨無塵片石成知己蒼松對古人雲深花徑午溪漲草堂春何處足瀟灑羣峯方結鄰

讀書齋

小築前磯第一灣豆花籬角且怡顏曾留穠綠常開徑祇愛丹青不買山高臥如游三島外置身卻在五車閒茅齋終日供消遣笑看溪雲似我閒

吳傳經 字伯生石門諸生

陶敏茲序畧伯生淵源家學詩才清妙少貧困早失恃  
事庶祖母以孝聞遭世亂流離轉徙久而後免故其為  
詩多悲涼激越之音而優舊思親傷時感  
事尤抵徇欲絕非至性過人安得有此

水閣晚眺

薄暮登高閣雙眸一豁然長天昏落日疏樹擁炊煙風定鴉

飛直魚跳水暈圓不禁寒料峭幾度聳詩肩

朱為霖 字雨甫號夢樓平湖附貢官

高均儒撰墓誌公初入塾能解史漢十四歲入縣學嘗  
從陳古華孫淵如兩先生游學益進納資為縣丞署南  
昌丞上巡撫程侍郎書陳所疑四事侍郎批答優獎道  
光三年秋代理贛縣事懲庫吏之蠹民者箸似山堂詩  
三卷遺  
次一卷

九月寄孟兄椒堂都中二首

天末登臨處茱萸祇自看雲高雁聲急風峭客衣單秋老羣

山獻湖迴古澗寒弟兄不可見惆悵倚闌干  
鳳闕凌雲起天門詆蕩開寂寥郎署客華髮幾莖催吾道竟  
何補澆腸酒百杯定然憐小謝澤畔獨吟來

浩歌四首

大風漠漠吹滿天山作平地海作田丈夫失意空壯年鄧林  
之杖羲和鞭三足飛鳥不少延霜華一夜雙鬢邊丈夫失意  
空壯年

仙子樓臺岌乎危天際飄搖空自垂丈夫失意夫何爲九門  
虎豹猛綏綏司中司命爾伊誰唾壺擊碎長歌悲丈夫失意  
夫何爲

黃河洶洶日沈紅掀浪直指扶桑東丈夫失意飛斷蓬海若  
爭攘馮夷宮巨鼇失足天鴻濛萬言欲陳鼓胡隴丈夫失意

飛斷蓬

崑崙山高矗雲端欲往從之無飛翰丈夫失意摧心肝孤峰  
峻嶺互漫漫猛有熊羆柔有獬袖中長嘯三尺寒丈夫失意  
摧心肝

張

醇字蘭言烏程人  
箸聽雨樓吟稿

題柳橋上人埽徑補花圖

我生不慕榮有志在巖谷擬辦買山資於焉結茅屋隙地拓  
半弓雜蒔閒花木當春發奇葩鮮妍悅心目客至埽徑迎相  
對媚幽獨此願竟難償自顧恆縮慙柳公禪隱疏林泉占清  
福綠添萬本蕉翠護干竿竹呼僮來埽園補栽蘭與菊續紛  
花雨飛滿座散餘馥繪圖索我題因之得披讀所媿枯腸枯  
覓句裁短幅詩成已夜分當窗花影宿

新秋聞雁

忽聞雲外雁殘暑晚來收玉井涼初逗銀河淡不流驚回千里夢叫破一天秋目極鄉關路蒼茫動客愁

邵保和

字履威歸安諸生

西湖柳枝詞

無限長條又短條白蘇隄畔不勝嬌行人漫唱驅駒曲留得春光住六橋

倪耀雲

字拜昌號曉嵒歸安諸生

題李易安金石錄後序

謝王而後擅風流僕指顏蘇孰可儔剛得除官堪踵美文湖州與趙湖州文與可趙德夫皆除知湖州未嘗之官吾鄉郡志以未履任故不書

後代詞人有譚言幾家文字雪幽冤彩鸞寫韻風流並絕想



警碑靜上門

吳全昌

初名達邦號香圃歸安諸生箸香草軒詩鈔

楊知新序略香圃甫成童即入郡庠咸以偉器期之如不偶終老窮鄉然其為詩才甚高殆所云窮而後工者

冷廬雜識香圃少有雋才稍長以詩賦受知於阮文達公警句如殘年衰鬢客獨夜大江船樓頭細雨三更笛舟上寒潮一葉舟小溪疏柳誰家閣極浦斜陽獨客舟久病人如秋樹瘦苦吟聲比夜蟬寒皆清逸可誦

勵志

畎畝有耕牛忽為宗廟犧槽櫨有騏驥常受奴隸笞榮辱不可測人生貴自持天道有寒燠陵谷常遷移抱璞仰前哲寔尾吟古詩休休良士心抑抑君子思夙夜當努力何羨旁人知

日月無返舍江漢無迴波寸陰不自惜老大當如何霜落惕

歲暮冰堅知寒多  
涉水少津梁  
伐木鮮斧柯  
願比銜石鳥  
毋爲赴火蛾  
立命道乃吉  
用壯悔有他  
吾心慨以慷  
長夜獨悲歌

和徐春鄰堅送友之甘州作

邊雲隴樹渺無涯  
回首歸途萬里賒  
瀚海春殘猶降雪  
長城風怒但飛沙  
作書繫雁傳鄉信  
彈鋏依人老鬢華  
腸斷玉門關  
上笛滿天霜  
月落梅花

南邨

綠陰滿地夕陽明  
閒向溪橋覓句行  
野鳥有聲誰悅耳  
孤花雖豔卻無名人過  
中歲如春老  
雨霽芳郊抵畫成  
村落翛然塵境遠  
何時南畝學躬耕

雪窗讀韋詩

梅花池上開夜氣清人骨皓然雪滿庭猶疑窗外月攜得左

司詩再誦思超越何處籟忽生微風激林樾

月夜遲蓉鏡不至

殘雪在庭樹映此新月明竹窗夜色淨栖鳥時一鳴故人期

不來獨繞梅花行更深萬籟寂眠琴石牀清

周行怨

字希仁昆子長興諸生著若下吟草

孫德祖曰希仁幼學而篤于倫理先父歿著有著若下吟草人縣志藝文今不傳其告終詞附刻笠雲詩畧至性至情可以想見錄之亦足慰其重泉結轡也

告終詞

罔極深恩未報萬一依依殘魂不忍遠別命不苟延身外心活心活身外無補兒闕得與親言但有今日過此以往即為異物父兮母兮傷肝結惻

十年琴瑟一朝絃絕天實爲之又何怫鬱予目難瞑雙親白  
髮白髮雙親邇復多疾欲慰泉下晨昏怡悅蒼蒼者松鬱鬱  
者檜叶魂之所依千秋一日百歲之後同歸一室

戚宗衡

字濤江德清諸生

記事續稿濤江任真落拓少見知于儀徵阮公家貧出  
備書或授讀以養親其妻黃氏事其君舅樂睦先生力  
資供養無闕左右無違宗儔皆以爲孝婦

秋桑

吳興秋老夕陽邊看到柔條又隔年釀熟正逢重九節絲殘  
空牘第三眠漁陽夢冷餘黃葉陌上人歸憶翠鈿記得馬頭  
娘祭罷深閨一月罷秋千

徐

字秋生鄞諸生

征戍吟

黃塵薶白骨玉門望不極深閨曉紅顏鄉關不可出關山千萬重隔此存與沒漫漫長夜閒皎皎一輪月半照閨中顏半照塞上骨

寒食郊行

禁煙風俗徧天涯蹀躞荒郊日欲斜古冢紙錢飛不起杜鵑嘯上石楠花

吳山絕頂望潮

卓立峰尖心膽孤蕩搖我亦類乘桴風驅海嶽全遮越雪戰  
貔貅欲沼吳鐵鏃奇勳那復在革囊遺恨未應無潮平浦口  
初移日梯下胥山唱鷓鴣

東坡觀潮有  
瑞鷓鴣詞

讀信陵君傳

全軍鄴下偃旌旗臥內兵符盜者誰為復父讎甘效死英雄

祇合弔如姬

遊龍住寺海雲上人留宿

截徑臥枯藤披尋初地登近山先落照竚月未燃鐙竹嘯聞  
冤鳥梅殘夢病僧明朝參佛法還欲乞餘乘法華經如來說  
法無有餘乘

李陵

朔風冽冽馬嘶秋死葬疆胡鬼亦愁此是數奇應世及不然  
乃祖已封侯

述懷

日暮路偏歧悠悠何所之有言如口吃無事益神疲一字從  
貧我千愁爲訴誰破除憑酒力未必醉多時

病起

秋深殊不惡幽寂傍疏櫺茗樵奇字焚香讀道經髮隨黃

葉脫眼爲菊花青病起初閑散餘生勝妙齡

越江卽景

遙指青山是繞門茫茫一棹度黃昏萍開秋水天低浸雲掣  
東風月倒奔短調數聲聞遠艇寒鐙幾點識孤村最憎白鳥  
飛鳴惡擾斷吟詩好夢魂

王日章

字綉齋真諸生  
著醉六山房集

縣志曰章年十四父病革母多病不能事姑家貧無備  
僕日草奉侍大母百事躬親里人稱其孝及補諸生益  
勵志於學置二編几上凡修身齊家擇交處世以至飲  
食言語之微日致曲編自經傳子史以至百家小說之  
屬日思問編遇長老交友出示之往  
復辨難考鏡得失學遂由博而精

寶嚴寺

行盡梅花徑微茫露梵宮三千開世界十五列山峯蹟欲尋  
寒碧塵還隔輦紅高僧去何處多在白雲中

馮應翱

字翼仙號白於慈谿諸生箸竹所軒詩集

晚登招寶山

直到雲梯最上頭一聲長嘯豁雙眸  
煙橫遠樹山城晚潮落  
寒沙水國秋萬里從來誰破浪  
百年幾度此登樓隨緣且借  
招提榻明日重當續勝游

朱滄齋

字雨川號避溝晚號澹香叟鎮海貢生箸伴雲吟稿

哀友吟

秋風颯颯烏鴉嘯日昏無色寒雲棲  
叩須我友永成別青林  
黑塞夢見之明月漸上天為低亂葉  
彫落風淒淒黯黯然篝火  
青欲燃三更霜重聞鄰雞  
雞聲未斷雁聲續魂來或恐關山  
迷關山迢迢月復落更聽涼  
菴語煙籜

謝佑琦

字崑暉號憩真鎮海諸生箸候濤山房集



董沛曰先生早棄舉業肆力於古舅氏邱東河先生官粵東依之掌書記東河工詩得其傳遂以詩名噪嶺南

三雲詩

黃雲被隴坂朔風吹白楊蕭蕭愁人心壯士鬱中腸彎弓左  
右射意氣何激昂鞞冠大羽箭襲鄂參翺翔名成藏太室竹  
素流芬芳願爲霍去病不爲張子房

青雲鬱離離下被青雲客青雲亦有路升天無軌迹謁帝承  
明廬著作光載籍及時宣忠貞許身比稷益獻替旣多裨至  
尊屢前席誰爲一麾去出守二千石

白雲何油油空山人寂寥中有采芝叟居然避塵囂豨豕相  
與遊猿鶴同逍遙遺世詎忘世乃心在唐堯鬱紆誰與語覽  
物起長謠百年會有盡得道翔神霄

新筮

春深萬綠齊解籜龍孫努小園十幾年日夕弄妍嫵一雨滋  
 眾芳纖穉軼部伍高下如爭長先後莫可數老者殊不意少  
 者接肩武嫵嫵臨風敲勢弱難自主但有凌霄志而無昵狎  
 慮有節自然直有頭未肯俯倏然新粉含相看復栩栩嫩綠  
 三兩梢蕭蕭滴疎雨不知歲寒心已類獨行踞若遇王子猷  
 亦作婆娑舞

湯聘尹

字仰山山陰增生著芝山小築詩鈔四卷

湯壽潛曰先生於族為曾祖行六歲時嘗從之問字性  
 卑牧接人搗挹逾常度與孺子語亦煦煦然恐或傷之  
 至義所不可輒頭面發赤斥人不稍假借人多敬而憚  
 之館鄰村華氏縣役以督賦至叫囂墮突勢不可已先  
 生出為緩頰役語侵之遂大將繫役而撻焉華氏懼  
 不測多方求解於役詢與大肆要挾先生銳身赴縣  
 自陳曰役無狀某懲之某無狀唯宰命幸廉得其情置  
 弗問直聲聞於鄉善堪與之學有邀請者不論貧富遠  
 近應之自謂癖者登覽游山之展苦未易辨借以遣  
 吾游興耳所作詩格近元人閒雜諧語東二首錄之

城山寺夜坐

疾風散炎鬱清氣回林端崇巖吐明月暑夕生輕寒澗仄洸  
泉出竹密涼露溥誰言三伏熱頗怯葛衣單流螢何處來熠  
熠在闌干耽此靜中趣俯仰有餘歡高歌明月下小坐夜已  
闌

詠劔

繞指柔須百鍊剛夜深底事露光芒才從季札除豪氣忽爲  
荆卿動熱腸鍛冶不緣人可否磨礪權與世低昂延津莫化  
飛龍去仗爾聊爲君子防

朱

山

號眉峯  
山陰人

紅葉

紅樹經霜夕照斜遙天拍岸抹晴霞渡頭風急人歸晚只道

漁舟載落花

斯

璿

一名山字法乾號雪曉諸暨諸生箸雪曉遺稿

孫廷翰曰雪曉少跡弛又筋力矯健頗多絕技以此得狂名弱冠後痛自刮磨徧求先儒語錄以變化氣質為

己事詩出入石湖劍南而時有晚唐風致

山行

深谷嚴寒酒易消山盤水曲路迢迢寒驢趁得梅花信細雨

寒雲過板橋

新秋夜坐

蟋蟀秋吟急良宵景若何桐陰窗外靜桂露月中多佳筆搜

生句挑鐙續短歌更深猶不寐風響一池荷

周

熙

字光業諸暨諸生

五洩紀遊

曲曲千盤路行行又一峰  
谿深碧樹合巖古白雲封  
靜境無  
嘯鳥回風送午鐘  
神仙不可見聊爾紀遊蹤

周

豫字素定諸暨人  
生著閒卿詩草

晚眺

晚鐘初動鳥飛回  
信步芳塘竹霧開  
千樹蟬聲斜日裏  
綠陰深處有人來

暇日戲書

驚心往蹟細評論  
臘水殘山幾度春  
一代文章歸巨手  
百年風月屬閒人  
青門老去寒瓜蔓  
彭澤歸來漉酒巾  
得失不須論  
塞馬蕭然一室葆  
吾真

王望霖

字右友上虞人  
官中書科中書

陳貞女

陳子偉衡之女  
王世清室也

陳氏有貞女立志如冰鐵許字王家郎未婚終守節事姑事太姑與母無所別太姑忽染病女心甚淒切生則女代孫死復力爲竭從茲病亦深歸甯成永訣年雖二十春身已非天折母謂天不佑天實成貞潔芳名千載傳奚必臻耆耄都哉陳氏女王郎遂同穴他年墓誌銘名埒邯鄲碣

韓修紘

字元同黃巖廩生著山天樓詩集青汗堂詩史續集

縣志修紘卓犖不羣目空行輩年十二與臨海王曾三太平陳馮洲俱以幼童見錄學使錢維城作三神童詩贈之年二十棄制舉業徜徉肆志專事吟詠自號隆嘉詩人

九日遊第二洞天戲作青童謠

霓衣風馬青童君  
謁來高臥眠白雲  
洞天第二滄江濱  
藤蘿蕩蔓青無垠  
玉書金簡清絕塵  
七籤靈寶龍鸞文  
九皋霜鶴秋不羣  
晴空委羽飄紛紜  
霜天寂寂清唳聞  
金猊檀爇朝氤

氤法筵道帙三皇墳荷衣芰製揚秋髮禹步踏斗禮閭闔正  
陽漱齒晨霞溫交梨不翦枝連根盈拳火聚頰如琉璃鱗魚  
鳳傾金樽山花醉舞迷乾坤扶桑東枝失朝暎瑤池青鳥來  
奔奔蓬萊水作清淺痕長鯨跋浪連天渾投壺帝女如雲屯  
大笑欲駭聲敦敦燭龍銜景窺寒門叫通閭闔開九闔芙蓉  
手把朝至尊

朱赤谷畫雕行

浣花草堂秋沈寥淋漓潑墨成阜鵬鷲鳥累百疑不若一士  
諤諤凌青霄絕倫超羣舉無上攬身直與雲天鏖此時西風  
寒海水羊角扶搖九萬里中原壞木老無枝適從何來遽集  
此朱君鵲突疑有神老拳巨顙寫清真卻立婆娑盡生意橫  
秋霜氣誰能馴細筋貫腦顧左右鉤距星眸寒不朽嗚呼俊

才用有時草淺兔肥亦已久回雁高峰陣影橫  
嗚鳥落日黃  
雲城胡不乘風奮羽翰上震九天鶴一聲指  
示雉圖傷壞坎  
眾苑獨枯能無感墓門梅影月昏黃坐鎮中  
庭破鶚膽

寂莫

寂莫南塘秋可憐蒼茫雲外望空煙西風一夜  
滄江曉吹徹  
蘆花絮滿天

張應彪

字芷儕黃巖諸生

登小圓山望海

渾渾大海茫無垠兩山突起環其門一帆直泊  
山之根攀蘿躡磴陵嶙峋倚巖極目失厚坤萬  
里溟渤波濤掀神山明滅如可捫島嶼錯落  
雲吐吞樽桑曦鞭躍朝暎金光萬道翻金  
盆雄雞一聲天下晨乾端坤倪渺莫論浮槎  
直擬窮天津羣



仙抗手爭相賓仰天大笑下層雲上界未必容疎頑蹢躅且  
復歸塵寰

海門大鐘行

海門浪息波初平有聲隔岸何鯨鏗臨風靜聽不知處山僧  
指示來江城城中有鐘鎮禪閣古色爛斑蒼蘚錯曾經龍伯  
邀借觀飛還不異延津躍我聞吳時得大鐘江流飄泊如沙  
艘奇文錯落世莫辨史游皇象嗟難逢得毋此鐘亦相類挈  
伴往觀相睜眙窺軋趨趨半茫昧永鎮禪窟何最夙時傳一  
杵驚天雞搏桑浴日晨光飛山僧聽慣不知異我來蘸筆聊  
留題偶然興寄恣揮寫碧紗無事煩闍黎

曹

寅

字向敬號謹齋金華人

舊雨錄謹齋孤弦冷韻不諧里耳惟與余交趁爲賦  
堯東先生行居恒土突常無煙余作釋窮一篇遺之

擬雨淋鈴曲

雨淋鈴淚如霞失玉環思金鑑

擬黃頭郎歌

黃頭郎刺船在水濱豈知卽是天子夢中人天子一見寵眷  
新郎頭黃郎衣紫郎有銅山終餓死吁嗟漢文尙如此願君  
勿夢黃頭郎夢求良弼商巖旁普施霖雨被八荒

曹

位字立人號鳳苞金華諸生

張作楠跋畧立人重然諾敦氣節有古人風然制行孤  
介不能諧俗故困頓日甚作詩鏤腎鉞肝一字未安沈  
吟達旦殆所謂如獅子搏象兔皆用全力邪

答陳慎齋用九蟹全韻

靜巖先生得元解詩思躍如栗房駭樓臺彈指見須彌雪浪  
駕天翻渤澥生駒攪陣萬馬瘖疾雷擊鼓鼓聲駭走也貧病

癡且駭長鑷倒荷同木枅覓食恥啖狙公椽鋤園且種謝婆  
賈少年束髮喜讀書終日埋頭廢黃嬾經六子四史廿二祕  
本但恨無錢買近向山中結吟社布韞青鞋步行躡溪邊日  
日覓方干警齋竹中往往尋張廌丹邨可憐構思太遲鈍連環未  
許揮椎解瀝血嘔肝不自愛學杜追韓苦模楷蹒跚空笑三  
足鼈奮迅終慙獨角獬羨君吐辭過敏捷千紙萬言隨舌擺  
邇來寄我全韻詩金壺墨汁淋漓灑我聞古人耽吟詠佳句  
推敲老莫罷探驪欲得領下珠鑄劍須鎔鑪中錯龐言繁稱  
道所棄不在紛紛競叢夥從今好訂忘形交對坐莫辭簷屋  
矮他年挈伴醉旗亭聞歌共剖盤中蟹

老馬行

渥洼之水產名馬身長八尺汗流赭就中一匹尤殊絕羣驥

對之材盡下馬官昔日徵驅黃鶩駘款段隨騰驤錦鞍照耀  
風塵裏此馬低頭棄道傍壯志蹉跎付棧豆雄心空羨飛龍  
廢等閒牽出形虺隤使我一見心中哀天生一物必有用况  
此磊落非凡才向使拳毛經拂拭風雲瞬息馳龍媒壯士一  
鞭赴敵去將軍百戰勒銘回安見聲名竟埋沒暮齡歲月空  
相催秋風蕭蕭吹苜蓿顧影長嘶休局促驂騑未得遇孫陽  
驃騎何從入天育但令邊塞靖鬻麈樾下追隨老亦足

詠懷五嶽

天門下瞰走羲娥飛鳥前來未許過河洩北條縈似帶山浮  
東海小於螺漢家封土雲猶積秦代碑文石已磨諸葛舊吟  
如解和好從梁甫陟嵯峨

人閒何處有丹邱太華西盤古雍州三輔關河環白帝九天

風雨落清秋花從玉女盆中發露向仙人掌上流賈勇便須  
山頂住昌黎底事悔狂遊華

岫巖巍峩玉牒封丹梯翠巘闕仙蹤星分翼軫空三楚地盡  
炎荒隔五峰白晝陰雲愁晦昧深宵紅日盪心胸我來欲問  
棲真路竹杖何年更化龍衡

此心曾與北征鴻親上龍潭似御風山接天樞辰極外人遊  
碧落太虛中玉華削出雙崖近石窟飛來一氣通回首塵寰  
空擾攘探奇竟不到蘭宮恒

神嶽巍巍控澗瀝龍門熊耳漫相連一峯中占三公秩四面  
天包大地圓上界嵩呼承漢禪下都鼎定卜周年千秋石室  
遺書在訪道誰從問謫仙嵩

汪上彩

字葆園號景袁遂安諸生著  
培桂山房詩鈔葆園詩續

吳錫麒序畧遂安汪葆園性樸誠無嗜欲之擾閉戶力  
學彙六經諸子之說洞其淵微涵畜充周植本既厚復  
以飢驅來往江湖腹笥所儲證諸聞見下筆奔  
放無世俗態雜乎語言喜怒哀愉動與天合  
李方湛序畧葆園詩渾灑流轉如輕雲  
在天一氣卷舒如驚濤拍空駭人心魄

球川紙

定陽西望行徑偏山重水複紛人煙水能清潔稱造紙至今  
得者誇球川杉皮矮屋兩岸布截筠剝楮投池泉椎塘杵屑  
竹簾細製隨手出高糊黏厥工數定七十二名隨事異精而  
堅紗牕玉版大小判用關科舉尤紛然麥光比素蠶繭樣擅  
奇總藉流涓涓剝溪之藤定此遜蔡倫舊法何人傳多材那  
必盡球出假爲生計心力專名馳他邦賈客運兔毫濡染奚  
墨鮮城南況有硯山硯歲久剖鑿峰無全文房四友此居二  
舟裝擔荷常喧闐嗟哉良工心獨苦慎勿翦截輕拋捐

天甯寺古鐘

高樓何崔嵬厥鐘自奇古彭亨異凡制字不蝕風雨款識俱在創

自唐咸通再鑄明洪武聲可四十里重計六千五樓旁故物

遺一一快所覩趙蹟榜署存石幢誌縷縷入石幢唐時物地本陳后

家陳高祖章后宅宮闕久灰土閱世閱人幾蒲牢仍梵宇扣鐘鐘有

聲惜哉不能語

陳渠英 字芸石永嘉諸生

古意

江南春花紅江北春草綠春風何鮮妍相思縈江曲撫今隔

青霄憶昔同綺寮和歌擊玉壺換酒解金貂戲謔弄手語有

如漆與膠誰知隔參商中心常搖搖既無晨風翼又無喬松

質懷君歸空房當戶理清瑟

吳學亮

字諒軒  
景甯人

廬山馬仙祠

山橫屏嶂水環流拱繞仙人百尺樓  
白馬至今留故址彩鸞何處問前修  
爐煙晝護霓旌暖樹影高懸羽蓋浮  
翹望飛昇遺蹟在神絃一曲簫初秋

山居

結廬在深山門對青松樹  
拭目望遙空閒雲自來去



兩浙輶軒續錄卷二十三